

40111

4





弇山堂別集卷十六

吳郡王世貞元美著

皇明奇事述叙

余既有異典盛事二述矣異典者邁之自人主者也  
盛事者邁之自天者也盛事之邁無非媿已異典之  
邁媿居十九疵亦居一已乃復有邁之自天而不可  
言盛邁之自人而不可言典或人與事之巧相符者  
或絕相悖者爲其稍奇而不忍遺之別錄成卷以備  
虞初春明之一采故不敢稱稗史也

皇明奇事述一



再登大位

英宗以正統己巳北狩居塞外者一年還稱太上  
皇居深宮者七年以丁丑復辟復稱皇帝者八年  
凡再即大位再紀元一稱太上皇崇卑顯晦更遞  
嘗之千古所無

再立東宮

憲宗以正統己巳冊爲皇太子景泰壬申降封沂  
王天順壬午復冊爲皇太子凡再錫名三膺冊一  
爲親王再正青宮近代所無

魯府二事

魯荒王 太祖第十子封一歲而王王二十年而卒  
以卒之歲生一子曰靖王有賢名在位六十四年壽  
七十九嘉靖末郡王見在十餘位將軍以下至中尉  
及未名者四百餘位王女亦數百人此一奇也荒王  
聰敏好學蚤卒 高帝以其好內服丹而謚之荒最  
後端王名麗丹書其淫虐之狀聞天下而謚之端此  
亦奇也

國封相同

三吳王高帝初封時已與張士誠同至洪武初復封  
周定王建文初復封火燭



兩 徐王洪武初贈 大后父馬公建文初封允熈

兩 漢王洪武中 肅莊王初封永樂初封高煦

兩 趙王洪武初封祀薨永樂初封 簡王

兩 衡王建文初封允熈成化中封 恭王

兩 榮王景泰中 德莊王初封成化中封 莊王

兩 衛王洪武中 遼簡王初封洪熙封 恭王

兩 高唐王一 德府厚燭一 衡府厚煥

兩 汝南王俱 周府一 削爵有燉一子堯

兩 棗陽王一 襄府初鉦一 代府成鈺

兩 寧陽王一 衡府載塿一 正德贈張懋

兩 東甌王一 魯府當泚一 國初贈湯和

兩 寧河王一 晉府羨壻一 國初贈鄧愈

兩 齊東王一 漢府瞻坪一 衡府厚炳

兩 昌樂王一 漢府瞻坪一 衡府載堙

兩 德平王一 潘府儻旌一 徽府載堞

封爵相同

兩 信國公吳元年徐達洪武湯和

三 定遠侯洪武王弼天順石彪嘉靖鄧繼坤

兩 懷遠侯洪武曹興嘉靖常玄振

兩 保定侯永樂孟善天順梁瑋



兩安平侯永樂李遠嘉靖方銳

兩武清侯景泰石亨萬曆李偉

兩新建伯永樂李玉嘉靖王守仁

兩忠勤伯洪武汪廣洋洪熙李賢

兩順義伯洪熙元年金順成化二年羅秉忠

兩安平伯李遠子安方銳子承裕

兩惠安伯永樂金玉宣德張昇

兩武清伯景泰石亨隆慶李偉

兩寧遠伯景泰任禮萬曆李成梁

兩黔國公為沐晟吳復一封一贈

兩穎國公為傅友德楊洪一封一贈

兩涼國公為藍玉吳瑾一封一贈

兩昌國公為張巒及巒子鶴齡一封一贈

贈爵相同

三涇國公永樂陳亨天順陳瀛正德周能

兩鄖國公洪武廖永安正統張信

兩蘄國公洪武康茂才康鐸父子各以功贈

兩蔡國公洪武張德勝永樂徐忠

兩滕國公洪武顧時永樂孟善

兩沂國公洪武金朝興永樂袁容



兩漳國公永樂王聰正統鄭亨

兩安國公天順孫忠萬曆李偉

兩榮國公永樂姚廣孝及張玉初贈

三高陽侯俱洪武李信李志高李繼先贈同姓尤奇

兩東海侯俱洪武徐公輔陳文贈

王公國封相同

高皇帝初建十王如秦晉燕周楚齊蜀魯六公如魏韓宋衛之類皆大國蓋不欲相犯也而其後有不能盡然者豈勢耶抑當事者不能詳考耶

太祖初封豫即代簡王又為公俞通海贈國

封郢靖王又為公馮國用贈國

封韓獻王又為公李善長封國

初封衛王即遼簡王又為公鄧愈封國

仁宗封梁莊王又為公胡顯封國

滕懷王又為公顧時贈國

衛恭王又為公鄧愈封國

贈寧國公王直又為獻王封國

英宗封許悼王又為公王志贈國

贈安國公孫忠又為惠王封國

景帝初封沂王即憲宗又為公金朝興表容贈國



初封榮王即德莊王又爲公張王姚廣孝贈國

憲宗贈寧國公陳瀛又爲獻王封國

孝宗贈寧國公周能又爲獻王封國

封涇簡王又爲公陳亨蔣貴贈國

世宗初封裕王即穆宗又爲公張軌贈國

封景王又爲公李讓贈國

贈穎殤王又爲公傅友德封國

今上初封潞王又爲公張武贈國

王侯郡邑相同

高祖封六安王轉兒又爲侯王志邑

封江夏王孟炬又爲侯周德興邑

封臨淮王興祖又爲侯李性邑

太宗封宣寧王遜炆又爲侯曹良臣邑

封昌化王仕燁又爲伯邵喜邑

宣宗封湯陰王祁鏞又爲伯郭資贈邑

封穎川王子墟又爲侯傅友德邑

英宗封平鄉王祁鏞又爲伯陳懷邑

封永城王載圻又爲侯薛顯邑

憲宗封順昌王見澤又爲伯王佐邑

封安昌王膺鋪又爲伯錢承宗邑



武宗追封寧陽王張懋又爲侯陳懋邑

世宗封新寧王鴈鈞又爲伯潭忠邑

封新昌王盤炷又爲伯唐雲邑

封慶陽王謨塾又爲伯夏儒邑

封會昌王弼棟又爲侯孫繼宗邑

封德平王胤璇又爲伯李銘邑

封新昌王厚燭又爲伯唐雲邑

封慶雲王厚燦又爲侯周壽邑

封惠安王厚煦又爲伯金玉張昇邑

穆宗封保定王理坦又爲侯孟善梁璠邑

今上追封定襄王朱希忠又爲伯郭登邑

### 大臣姓名同

五張信一永樂隆平侯 一弘治彭城伯 一宣德

兵部左侍郎又洪武有狀元侍讀及孝子尚寶鄉

四張泰正德二人一以南右都爲戶部尚書 一爲

總制右都御史俱贈太子少保成化二人 一至都

督同知爲名將 一任翰林修撰爲名文人

三王真一洪武都指揮使追封臨沂侯 一永樂金

鄉侯追封寧國公復有都督同知爲遼東總兵

三吳良一洪武江陰侯 一正統都督同知 一成



化都督同知

三李敏一洪武工部尚書 一景泰戶部尚書 一

成化戶部尚書

三石璞一洪武右侍郎 一永樂由御史至按察使

一宣德由御史至景泰為太子太保兵部尚書

三劉璋俱弘治一太子少保工部尚書 一右副都

御史 一都督同知

三王榮俱景泰一南京太僕卿 一大理少卿後復

姓趙至尚書 一都督僉事

三李瑾一成化太子太傅襄城侯 一德都督僉

事 一嘉靖征西前將軍都督僉事

三李浩一洪武刑部侍郎 一景泰南京工部右侍

郎 一成化禮部尚書

四張鳳一洪武行中書省叅政 一天順戶部尚書

一正德右副都御史 一嘉靖總督宣大偏保右

都督

三李賢一永樂忠勤伯 一宣德豐城侯 一成化

少保大學士

三王佐一永樂順昌伯 一正統戶部尚書 一正

德南京工部尚書



三張瓚成化二人一戶侍郎 一襲封惠安伯 嘉

靖一人少保兵尚書

四王綸俱正德俱有才名其二人同歲為副都御史

一撫湖廣 一撫大同 一以御史遷按察副使

一至江西右叅政名甚盛而為寧王偽尚書伏法

三白玉成化二人一右都督 一都督僉事 正德

一人右都督

兩汪同俱洪武一吏部侍郎 一都督同知興祖初

名

兩郭子興一 高帝舊帥滁陽王 一洪武中

侯

兩朱榮一洪武一永樂俱都督

兩李素一洪武御史中丞 一洪熙右副都御史

兩黃琛一洪武駙馬都尉中都正番守 一成化南

京戶部右侍郎

兩吳禎一洪武靖海侯 一成化都御史

兩趙新一洪武山西右布政使 一景泰吏部尚書

三劉寧一洪武一成化俱都督 一嘉靖右都督

兩陳文一洪武都督僉事東海孝勇侯 一成化大

學士莊靖公



兩王博俱洪武一中書平章政事 一廣東右叅政

兩王平一洪武右都御史 一末樂交趾右布政使

前右僉都

兩李泰一洪武戶部尚書 一成化詹事府詹事兼

學士

兩陳清一洪武都督封合浦侯 一弘治南京工部

尚書

兩金忠俱末樂一兵部尚書贈少師 一太保封忠

勇王

兩陳亨俱末樂一右都督追封涇國公 一左都督

贈封成武伯

兩張興俱末樂靖難功臣一都督僉事一安鄉伯

兩蔣驥一末樂禮部侍郎 一弘治定西侯

兩陳壽一末樂工部左侍郎贈尚書 一正德南京

刑部右侍郎以致仕進刑部尚書俱有謚名德亦相

類

兩陳瑛一末樂左都御史 一正德都督同知

兩吳江一末樂總兵 一弘治總兵

兩李英俱宣德一達官會寧伯 一都督同知

兩陳智一宣德榮昌伯 一正統右都御史



兩劉昭一宣德都督化一太子少保戶部尚書

兩劉璉一宣德戶部左侍郎 一成化太僕寺卿

兩張本一宣德太子賓客兵部尚書 一弘治都察

院右副都御史

兩程富一宣德由教授陞御史至尚書 一正統由

布政司檢校陞提學御史至僉事

兩顧佐一宣德掌都察院事右都御史 一正德初

戶部尚書贈太子太保

兩張駿一宣德都御史 一正德工部尚書直文淵

閣

兩張昇一正統彭城伯 一弘治太子太保禮部尚

書

兩張瑾一正統彭城伯 一天順太平侯

兩張輔俱正統一嗣封彭城伯 一太師英國公

兩宋傑俱景泰一西寧侯 一右副都御史

兩劉清一景泰刑部右侍郎 一成化撫兵右都督

兩王通一景泰都督同知前成山侯 一弘治右都

督

兩李錫一景泰太子少保通政使 一隆慶摠兵官

都督同知



兩劉聚一景泰左都督一成化左都督寧晉伯

兩韓福一景泰左副都御史一正德戶部左侍郎

兩李棠一景泰刑部左侍郎一隆慶南京吏部右

侍郎

兩楊鼎俱景泰一為山西左布政一為戶部侍郎

後至尚書

兩趙榮俱天順一忻城伯一工部尚書

兩陸欽俱榜眼一天順甲申一正德辛巳二科俱

非正歲而相去僅踰一甲子

兩李文俱成化一高陽伯一都督同知

兩李震俱成化一興寧伯一兵部左侍郎

兩吳琮俱成化一襲廣義伯一襲清平伯

兩張鵬俱成化一太子少保兵部尚書一都督僉

事

兩王信俱成化俱都督同知

兩吳節俱成化一太常卿兼翰林院侍讀學士一

都察院右副都御史

兩馬昂一成化太子少保戶部尚書一正德左都

督

兩李和一成化南京戶部右侍郎一嘉靖駙馬都



尉

兩毛倫一成化左都督 一弘治通政司通政使

兩李本一成化南京禮部尚書 一嘉靖少傅太學

士

兩呂本一洪武吏部尚書建文外大父懿文太子妃

父也 一即李本改姓

兩韓文俱弘治俱字貫道一都察院右副都御史

一戶部尚書

兩徐溥俱弘治一求康侯 一少師大學士

兩王道一弘治都察院右副都御史 一嘉靖吏部

右侍郎

兩劉忠一弘治右副都御史 一正德少傅吏部尚

書武英殿大學士

兩張海一弘治兵部左侍郎 一正德都督同知

兩謝綬一弘治南京禮部尚書 一正德右副都御

史

兩王憲一正德襲封靖遠伯 一嘉靖太子太保兵

部尚書

兩張縉一正德南京戶部尚書 一嘉靖都察院右

副都御史



兩許國一正德左都督 一萬曆少保武英殿大學士

兩彭澤俱嘉靖一少保兵部尚書 一太常寺卿

兩陳儒俱嘉靖一泰寧侯 一都察院右都御史

兩胡松俱嘉靖一工部尚書 一吏部尚書

兩吳山俱嘉靖一刑部尚書 一少保禮部尚書

兩孫應奎俱嘉靖一戶部尚書 一都察院右副都

御史又相繼為給事中以言事貶

兩張岳一嘉靖 一萬曆俱侍郎

兩劉文俱嘉靖一都督同知 一寧晉伯

兩陳璋俱嘉靖一刑部左侍郎 一工部左侍郎掌

鴻臚寺

兩劉璽俱嘉靖一都督僉事山西總兵 一宣府巡

撫副都御史

兩何鰲俱嘉靖左布政使其一至刑部尚書

兩張鎬俱嘉靖一副都御史 一僉都御史

兩陳瓚俱隆慶三年同時一光祿卿後為左都御史

一太常少卿後為刑部左侍郎

兩陳千陞萬曆十八年一為詹事學士一為左副都

御史班正聯立



成化間萬通奴錦衣指揮徐達與中山王同  
英國公張輔與彭城伯張昺同為勲戚重臣朝夕共  
事而昺名其子曰輔與英國公同尤不可曉

正德中太師鎮國公朱壽者益 上所托名也然國  
初亦自有舳艫侯朱壽

國初會稽縣知縣鄒魯以政最入為大理寺丞弘治  
中御史鄒魯當遷大理寺丞不得恨刑部尚書何喬  
新薦其郎中奪之劾喬新謫山陰縣知縣山會皆紹  
興附郭縣也

宣德初命工部尚書黃福冊兵馬副指揮黃福女為

郡王妃 上好竒多戲或有意為之也

景泰初翰林院修撰王振耻與太監振同名請改為  
恂

景泰末司禮太監張永與于少保同禍而正德中司  
禮太監張永誅逆有名相去正一甲子俱嘗總督十

二營

成化間妖人千戶王臣僂於市翰林侍講學士王臣  
耻與同名上疏請更之不許

正德末廣江西按副使副摠兵都督僉事俱張祐按  
張祐為兵備時與摠兵同事有功後一至都督同知



一至布政使尚同事

正德末御馬監太監張忠同監督團營軍務至嘉靖初以罪革貶而藩邸中貴張忠亦陞御馬監太監代領團營不知者以爲一人也

金吾左衛指揮使楊善自陳景泰間從事尚膳監凡聞內臣密謀必達於忠國公石亨上自沙漠還南內皇太后時時來省王誠舒良欲留錮之臣得其謀以達內臣劉成啓太后遂不至詔進一官爲都指揮僉事是時與興濟伯爲兩楊善同預奪門者也同年一榜同姓名者多不可紀余所知辛丑有兩張

洽俱浙江人丁未有兩林一新俱福建人乙丑有兩陳王道俱吾鄉人每輟以邑里自別兩林又同爲戶部主事以至員外郎郎中僉事叅議副使俱同其一林始卒而一林仕至布政使

又景泰及嘉靖初俱有吏科給事中毛玉俱利口言事官俱不甚顯

成化中有兩王濬同時爲監察御史其一以掌院威寧伯王越薦超拜右僉都御史其一坐累出知山西石城縣以發落誤語累殺強盜家屬多爲西廠所發凌遲處死于市



正德十二年吏科論劾四川巡撫都御史馬昊兵科論劾守備都指揮亦馬昊同日報聞

嘉靖中刑部郎中徐學詩兵部主事徐學詩俱有聲即署問復兵部改名曰學謨貴至禮部尚書刑部以論列大相為民後起南通政叅議尋卒贈大理寺右少卿

嘉靖丁未以後連三科有李春芳其一狀元少師一至知府一至左給事中

王三錫王三接同名者至多而官皆不甚顯不能踰方面余族人布之崑山陳王道與陳王道同舉進士年亦相若而一止南道御史一止工部員外郎其官皆失於庚辰春萬曆十一年中御史有兩李植封事傳遠近不能辨

嘉靖兩廣總督尚書蔡經又副總兵都督僉事張經成功後蔡經復張姓同

余嘗於古跡中見洪武有周鼎字伯器而正統亦有周鼎字伯器俱傳雅有文名前後幾不可辨

父子同名

古有父子同名余嘗記之矣 國朝唯劉忠武侯事



尤異忠武父名江爲戍卒死忠武仍其父名不易累戰功至左都督佩大將軍印猶與其父同名後封廣寧伯始更名榮封未幾而卒

叔姪名位事體相同

潘珍與從子旦壬戌乙丑登第珍以兵左侍理部事旦以兵左侍督兩廣同歲議安南忤旨歸珍戊申卒年七十二贈右都御史旦巳酉卒年七十四贈尚書

兄弟名位事體相同

許誥許讚皆吏部尚書進子以避父嫌同日誥由給

事中改翰林檢討讚由御史改編修後復以父累同日外謫誥爲判官讚爲知縣尋再起累官誥爲南戶部尚書讚爲戶部尚書中間誥由九列一轉翰林侍讀學士讚最後自太宰爲文淵閣大學士

張禴張禴兄弟也其年事科第俱相近正德中禴以刑部郎中禴以刑科都給事中俱改御史查盤禴遷太僕少卿遂轉僉都御史禴爲大理寺丞逆瑾敗俱爲言官所劾禴謫禴無恙後禴累官至右副都御史禴亦累遷舊官以卒郎中都給事改御史非故事也而禴禴兄弟以一時得之亦甚異矣



吳良吳禎俱以老成爲將少汗馬勞爲高帝所重  
良封江陰侯追封江國公禎封靖海侯追封海國公  
俱特進光祿大夫良上柱國禎左柱國中間良以指  
揮使入都督僉事遂封侯禎以侯一出領指揮使

### 詹許父子

國初詹徽以翰林院承旨兼吏部尚書綰二綬蓋侍  
從與六卿之長也其子徽以吏部尚書兼左都御史  
亦綰二綬蓋六卿三法司之長也後許進與子讚俱  
爲吏部尚書復與子論俱爲兵部尚書蓋盛之極而  
奇者也

### 吳聘君父子

吳聘君與弼之父溥俱有文學行誼溥會試第一廷  
試二甲第一授翰林編修歷官三十餘年僅至國子  
司業六品年六十八而卒與弼居田間不仕年六十  
八召至京即授左春坊左諭德五品又聘君名滿天  
下而溥以會元高第人不知之如王文成守仁之父  
華以狀元至太宰而人亦知有文成而不知華也

### 變生子同顯

孟麟孟鳳者初滅姓王楠王楊者皆變生而麟至右  
布政使鳳至尚書內外二品楠至南鴻臚卿楊至右



布政使官序畧相當又戊午舉人顧合璧聯璧其父  
四舉胎八子與周八士同

二相公子科第

嘉靖甲辰翟文懿鑾居首揆二子試中書舍人汝儉  
貢士汝孝俱登第當讀卷上疑之爲啓封則汝孝  
果在首甲汝儉亦進呈因而抑之後給事中王交等  
言其弊上大怒勒文懿死汝儉汝孝俱除名萬曆  
丁丑江陵公首揆次子嗣修登第既進呈上亦啓  
封特擢爲第二人庚辰叔子懋修復登第進呈上  
復啓封特擢爲第一人而伯子敬修亦前列所遇之

不同乃爾其後俱削籍却同

二死節同月日

正德江西按察副使周憲死寇難其子死之嘉靖江  
西按察副使汪一中死寇難其妻亦死之同以閏六  
月二十六日俱贈官賜祠以節孝配享

二陳中宮父

世宗中宮皇后陳氏父萬言起諸生封恭和伯  
穆宗中宮皇后陳氏父景行起諸生封固安伯而  
后皆無子後卒俱贈太子太保

山西二國戚



嘉靖壬辰第一甲第二人孔天胤以國戚授陝西按察僉事遷提學副使至右布政使丁未第二甲第一人亢思謙改庶吉士授編修國戚事始覺得遷提學副使至右布政使皆以不得意功名去官皆晉人皆有詩文名豪飲喜客相甲乙

正德萬曆三相

高少師拱病榻遺言謂萬曆改元謀欲去司禮太監馮保而張少師居正爲次輔與保善第三輔高宮保儀言天道六十年一周正德初劉少師律與謝少傅遷謀去司禮太監而次輔李少師東陽泄之瑾劉謝俱不勝罷去蓋劉與高皆河南人李張皆湖廣人而謝與宮保皆浙江人也俄高少師逐宮保尋卒張亦獨留異哉

常熟二祭酒

弘治辛亥李傑世賢以左庶子脩實錄將完陞南京國子祭酒奏成加俸一級萬曆丁亥趙用賢汝師以右庶子修會典將完陞南京國子監祭酒奏成加俸一級二公皆常熟人相去垂百年事體無一不同者南北大臣之異

偶閱丁亥夏縉紳便覽見六部尚書吏部爲楊公巍



山東海豐人戶部爲宋公纁河南商丘人禮部爲沈公鯉河南歸德人兵部爲王公一鶚直隸曲周人刑部爲李公世達陝西涇陽人工部爲石公星直隸東明人蓋皆北人也又通政司張公孟男河南中牟人大理寺爲賈三近山東嶧縣人蓋皆北人也惟都察院左都御史吳公時來浙江人然二月前爲辛公自脩又河南襄城人而總督倉場左侍郎爲胡公執禮陝西永昌人戎政尚書傅公希摯直隸衡水人又皆北人也至於內閣大學士中極殿則申公時行直隸吳縣人建極殿許公國直隸歙縣人武英殿王公錫

爵直隸太倉人詹事府掌府少詹事趙公志臯浙江蘭溪人翰林院掌院詹事兼學士徐公顯鄉直隸長洲人教習庶吉士吏侍兼學士朱公賡浙江山陰人禮侍兼學士張公位江西南昌人南院掌院諭德習公孔教江西廬陵人國子祭酒田公一雋福建大田人南國子祭酒趙公用賢直隸常熟人皆南人也其南北人之異任蓋自古所無者

兩年來南京六部尚書兵部楊公成吏部陸公光祖禮部王公弘誨工部李公輔都察院耿公定向刑部則世貞通政司則余公懋學大理卿張公櫝侍郎吏



部則趙公志臯戶部則顧公養謙禮部則趙公用賢  
兵部則王公用汲刑部則朱公天球亦皆南人

弇山堂別集卷十六

弇山堂別集卷十七

吳郡王世貞元美著

皇明奇事述二

三鄂公

唐開府儀同三司鄂國公尉遲敬德宋少保萬壽觀  
使鄂國公岳飛 明太子少保中書平章軍國重事  
鄂國公常遇春三公皆封鄂皆驍勇善戰稱萬人敵  
而勲位亦相類常公與尉遲公俱謚忠武岳公初謚  
武穆後改謚亦忠武又與常公俱贈王爵

三文成



漢晉侯張良謚文成 明誠意伯劉基新建伯王守  
仁亦謚文成三公皆書生胙茅土其智略勲名略相  
彷彿

內閣三楊

正統初內閣三相爲楊文貞士奇楊文敏榮楊文定  
溥號三楊以居第爲別文貞曰西楊文敏曰東楊文  
定曰南楊西楊以少師八十卒東楊亦以少師七十  
卒南楊以少保七十五卒其在閣遠者四十餘年最  
近者亦十六年

吏部二楊

楊文襄公一清三總制三邊長吏部加少師太子太  
師楊襄毅公溥再總督薊遼一總督宣大長吏部亦  
加少師太子太師二公俱弱冠登第姓望名位俱略  
相當有極同者俱擅將帥之略而所至少戰功有極  
不同者文襄至內閣首揆壽高於襄毅一紀而無子  
襄毅子多而且貴顯

嘉靖三楊

嘉靖中前後諫臣獨楊最楊繼盛楊爵疏最直傳天  
下而得禍俱慘爵僅獲終牖下其後同贈官賜祭爵  
獨缺謚



三文臣戰功伯爵皆王姓

文臣封伯雖前後十人然以戰功得者僅三人靖遠伯驥威寧伯越新建伯守仁耳皆王姓威名皆盛於諸伯大奇也

東西王

王文端直文安英同舉進士爲翰林庶吉士同侍讀同爲坊長少詹禮左侍對掌制亦以居第爲稱文端曰東王文安曰西王

吏部三王

吏部尚書凡三王文端公直至少傅太子太師年七

十八致仕以八十四卒贈太保忠肅公翱至太子太保八十四致仕以其年卒贈太保端慤公恕至太子太保七十八致仕以九十三卒贈太師三公年壽名德卹典皆彷彿又皆王姓其後王太原瓊以七十三再入吏部王陽城國光七十一尚爲吏部俱加太子太保俱王姓俱山西而俱七十餘蓋五王矣若後二名德小劣所謂一解不如一解

又有奇者文端忠肅去王恭襄初爲吏部及今陽城相去正可一甲子而恭襄以前壬午謫戍陽城後壬午削職



又二王

王襄敏越以二十六舉進士累官西北以戰功積官至兵部尚書左都御史封太子太傅咸寧伯坐奸黨流徙安陸自列還鄉以太子太保左都總督陝西三邊軍務加少保太子太傅卒於位年七十三王恭襄瓊亦以二十六舉進士累官兵部尚書積軍功加少師太子太師改吏部亦坐奸黨謫戍綏德自列還鄉以兵部尚書右都總督陝西三邊軍務加太子太保入為吏部卒於位年七十四二公姓同入仕之歲同才略功名年位譏讒事事同

又二王

正德中王恭襄公瓊為兵部尚書王康毅公憲為左侍郎恭襄入吏部康毅即代之世廟初同解任康毅再起以尚書兼右都總督陝西三邊軍功加太子太保入長都察院恭襄代之亦以尚書兼右都用軍功加太子太保入長吏部康毅後復長兵部在一時卒俱贈少保無不同者

又兩王司空

正統中有王永和者以給事中遷王永壽者以御史遷先後為工部左侍郎同署事若兄弟然永和死土



木之難贈本部尚書而永壽亦於其月進本部尚書  
湖廣二王徹侯

湖廣蘄水王聰孝感王忠俱從靖難聰為都指揮忠  
為都督僉事同日封奉天靖難推誠宣力武臣特進  
柱國聰武城侯忠靖安侯永樂七年聰為左副將軍  
忠為左叅將同日從淇國公北征同日戰歿於臚胸  
河年皆五十餘自姓氏鄉曲年齒官爵封拜陣亡月  
日無不同者

又二王封奪

永樂元年都指揮同知王友封清遠伯六年以安南  
功進封侯後以北征不遵詔下獄奪爵都指揮王通  
以父真死事封武義伯七年以山陵功進封侯後以  
守安南擅棄地下獄奪爵二侯皆王姓而進封奪爵  
事體亦同

又二王

萬曆十二年十二月禮部右侍服滿王錫爵吏部右  
侍郎王家屏同日入閣錫爵為文淵家屏為東閣俱  
大學士

吾州四王

萬曆壬午甲申間世貞以南大理鄉還里而王禮侍



錫爵給假省親不出余弟世懋與禮侍之弟昇爵俱以提學副使一自陝西一自河南乞歸二子生同歲同爲禮部郎同歲遷提學又同歲請告而余召爲刑部侍郎不赴一時頗稱之爲四王者以其名位里居之相埒也余實不敢望禮侍尋召拜相余弟再補福建而昇爵服除卒余弟轉少卿亦前卒

吾郡二吳宗伯

吾吳郡弘治中吳公寬以禮書學士東閣管誥勅嘉靖中吳公一鵬亦如之二公俱累官內翰而俱不得入相歿俱贈太子太保俱得上謚一文定一文端今

吳中人俱稱吳閣老

吾郡三陳祭酒

吾郡成化陳鑑自侍讀學士轉祭酒正德陳霽自南侍講學士轉祭酒嘉靖陳寰以司業轉祭酒祭酒儒師重職步伍八座不當止而三公同止是官又同陳姓同爲吾吳人甚奇

湖廣二張

湖廣嘉靖中張公璧以太子太保東閣大學士張公治亦以太子太保文淵閣大學士在位俱踰歲加宮保不數日而病病未久而逝俱贈少保一謚文簡一



謚文毅

嘉靖四張

鄞人張邦奇爲吏部左侍郎蜀人張潮爲右侍郎邦奇以翰林院學士掌院潮遷左侍郎兼學士同日加太子賓客未幾邦奇進禮部尚書掌詹事改南吏部潮進尚書繼之而楚人張璧以禮部尚書兼學士掌部張治以學士進吏部右侍郎四張皆光學也而皆在一時

華亭二張

華亭張公蓋爲南大司馬叅贊加太子少保後二年

同邑張公悅繼之亦加太子少保卒追贈太子太保一謚莊懿一謚莊簡二公年位名德里居相近今有混以爲一人者

江西二羅

江西成化丙戌狀元羅公倫以言事外謫後復官止修撰贈左諭德謚文毅嘉靖己丑狀元羅公洪先亦以言事爲民止贊善贈光祿少卿謚文恭相去一甲子地同大魁同言事同講學同從六品得謚同贈官從五品同尤奇絕

內閣二劉



正統戊辰進士壽光劉翊年二十三博野劉吉年二  
十二同爲庶吉士同授編修修史經筵進秩無不同  
者又同主考己丑會試翊以吏左侍兼學士吉以禮  
左侍兼學士同日入閣同日進尚書翊戶部吉禮部  
同日加太子少保自是加太子太保及柱國翊爲謹  
身殿吉爲武英殿皆同日最後翊致仕而吉留至少  
師首殿以卒然同贈三公翊得太保吉得太師同謚  
文翊得和吉得穆

又三劉

劉文靖健在內閣二十年正德元年以少師首揆致

仕四年少傅宇由吏部入閣六日而歸省遂致仕五  
年少傅忠復入閣不滿歲亦歸省遂致仕三人在相  
位有久速人亦薰蕕但皆劉姓而皆河南人爲異耳

二譚

譚姓最少而宣德間有譚廣譚青者一時同爲左都  
督俱善將騎兵虜中人畏之俱號譚家馬青子襲指  
揮亦名廣

二徐

今人但知吏徐晞之爲兵部尚書而不知徐輝之爲  
戶部尚書也輝在 高帝時由倉部主事郎中進侍



郎尚書晞自兵部主事郎中進左右侍郎至尚書皆  
不歷他曹皆起本部小吏皆徐姓而又皆常州人一  
武進一江陰奇甚奇甚

四羅功名相近

羅姓非廣而英廟之代有羅凡四而俱以才略任  
邊事汝敬嘗爲庶吉士斥充刑部吏又斥成交趾未  
至而赦後以侍講改御史超拜工部右侍郎提督諸  
衛屯種受賂事發逮問論絞長係久之始出充爲事  
官仍舊屯種引詔徑復職復坐詐傳論斬再赦復  
官始致仕亨信以庶吉士爲給事中謫充交趾吏久

之後爲御史超拜右僉都御史撫宣大累轉左副都  
御史皆甲辰進士通給事中以言事陞交趾清化州  
知州以不肯棄城還爲戶部員外郎轉兵部郎中從  
王驥西征坐貪淫不法謫爲廣西閘官已巳之難適  
至復官以兵部郎中超拜右副都御史守居庸入佐  
院遷右都提督操練數與于謙爭議後冒迎駕功三  
子俱官鎮撫卒三公俱年七十餘綺以御史遷大理  
寺丞撫遼東謫戍召還以中書舍人進大理寺少卿  
使虜還以刑部左侍郎鎮松潘召佐院爲左副都御  
史坐御史論曹石謫爲廣西叅政以怨望爲民再坐



構訐徵下獄籍其家其姓同官職同任邊事同中間  
戊削起躓文同

正統三會元

正統己未會元楊鼎以解元登第一甲第二人壬戌  
會元姚夔以解元登第二甲第一人乙丑會元商輅  
以解元登第一甲第一人楊由侍講擢戶部右侍郎  
轉左進尚書加太子少保致仕卒贈太子太保謚莊  
敏姚由吏科給事中擢禮部右侍郎轉左以吏部進  
禮部尚書改吏部加太子少保卒贈少保謚文敏商  
由侍讀進學士入內閣擢兵部左侍郎尚書改戶部

進文淵閣大學士改吏部加太子少保謹身殿大學  
士以少保致仕卒贈太傅謚文毅三公連三科皆以  
己巳年超拜俱不歷鄉寺館幄而名位科甲商尤勝  
絕又與姚俱嚴郡尤爲奇也

文武二姓名

嘉靖末有錦衣衛指揮文承武太倉衛指揮使武尚  
文承武貴妃兄也尚文死一旌古有祖孝孫孫榮祖  
與此皆可作對

湖廣一時之奇

國朝文臣無至三公而獨張文忠居正加太傅至太



師進勲上柱國辭歿以爲贈錦衣緹帥無至公孤者而獨陸武惠炳加太保兼少傅保傅相兼歿贈忠誠伯方外雜沅無至公孤封爵者而陶仲文至少師少傅少保封恭誠伯歿謚榮康惠肅文臣至三公三少相兼得四字謚皆曠代絕典而生時恩禮隆重權勢薰灼亦近世所無歿而不終後追削官謚盡除其子弟官以至籍歿無不同者然皆楚人張爲荊州陸爲承天陶爲黃州而首尾三十年內尤奇

丁丑三伯讀卷

讀卷文臣事也與貂蟬無與而丁丑一試內閣則武功伯徐有貞禮部則興濟伯楊善兵部則靖遠伯王驥皆奉天翊衛推誠宣力文臣特進光祿大夫柱國大奇

胡端敏李康惠名位

胡端敏公世寧與李康惠公承勛同舉進士同爲南京刑部主事郎中相切磋爲經濟學傍及古文經術同時爲江西屬府知府招捕大盜起功名胡公僅一轉兵備副使同時超按察使胡言事成至嘉靖初同日轉都御史胡以僉都撫四川李以副都撫遼東後同歲爲南京尚書胡刑部李工部尋以同月胡改北



刑部李政北吏部中途胡政都察院李政刑部俱加太子少保明年李進太子太保政兵部尚書提督團營又明年胡公政兵部尚書亦進太子太保致任卒其又明年李公卒贈俱少保凡上之眷注優禮與才望聲實無不同者而其與張桂諸貴人意合亦同

### 江西三功臣

寧王宸濠之反按察副使胡端敏公世寧發其謀副都御史孫忠烈公燧殉其節副都御史王文成公守仁成其功然皆浙人同舉於鄉者也是歲爲弘治壬子場中若有大聲云三人做好事然則非偶然矣

### 甲子二相

嘉靖甲子少師華亭徐公階居首揆而常熟嚴公訥興化李公春芳次之三公皆南直隸人嚴李二公同日應制撰文同日進學士同日加太常少卿同日轉侍郎同日轉吏禮部尚書同日入直同日加太子太保同日進內閣又同有老父母同於林下侍養以終今年甲申同歲捐館蓋無所不同者

### 二故侯

太子太保征蠻將軍成山侯王通以擅棄交趾下獄論死久之出爲都督同知鎮山陵揔兵官鎮遠侯顧



興祖以從駕不死虜下獄出爲都督同知鎮紫荆皆  
景帝初即位時事也皆失矣而皆無他功狀成山死  
後始復爲伯鎮遠遇赦復戾

倫氏三元

倫氏科第之盛已具盛典中諭德文叙中會元狀元  
通叅以諒中解元矣而祭酒以訓復以解元及第第  
二人是父子合三元而羸其二也

丙辰甲戌狀元

正統丙辰狀元周旋弘治丙辰狀元則朱希周正德  
甲戌狀元唐臯萬曆甲戌狀元則孫繼臯攷景泰甲

戌狀元則孫賢尤爲奇絕

丁丑狀元

正德丁丑狀元舒芬字國裳授修撰之未幾以諫南  
幸謫外召復官卒萬曆丁丑狀元沈懋學字君典授  
修撰之未幾以上書諫張相丁憂不合移病歸卒二  
公才氣略相同而修撰皆無滿任壽皆四十二

輸粟三元

嘉靖乙丑廷試第一人范應期丁丑會試第一人曹  
大章成化丙午順天鄉試第一人羅玘皆以輸粟入  
國子監者大章廷試復第二人而與應期宦皆不達



北入翰林以文行顯至大官其後正德丙子為周光  
宙嘉靖戊子為馬一龍辛卯為馬從謙庚子為沈紹  
慶戊子為王衡而皆中順天皆南直人

### 嘉靖二真人

嘉靖中道士邵元節賜號真人掌道教至禮部尚書  
賜麟衣玉帶謚文康榮靖道士陶仲文亦賜號真人  
掌道教至禮部尚書加三孤封伯謚榮康惠肅壽皆  
八十二而四字謚千古所無二人偕得之後亦同日  
削奪

### 大科更易

洪武丁丑取中狀元陳郊等五十一人俱不刻登科  
錄而親試中韓克忠等六十一人言者謂考試官劉  
三吾等有私俱下獄故也永樂己丑覆取會試下第  
者能燦金庠等十餘人以考試官侍講鄒緝等出孟  
子尚書題誤故也弘治己未預行場中學士程敏政  
不得閱卷徐經唐寅不得取以有論敏政鬻題故也  
嘉靖甲辰進士徐汝孝程汝儉彭諛焦清等并考試  
官學士江汝璧等俱逮問除名登科錄削汝孝等不  
錄以言官論徇私故也

### 甲辰二會元



成化甲辰會試第一名儲璫南直隸人仕至戶部左侍郎改南吏部左侍郎卒謚文懿嘉靖甲辰會試第一名瞿景淳亦南直隸人仕至南吏部右侍郎改北禮部左侍郎卒亦謚文懿

### 紹興二首甲

嘉靖丙辰紹興狀元諸公大綬榜眼陶公大臨同里開爲婚妯諸自禮部右侍郎爲吏部右侍郎翰林院侍讀學士修實錄 經筵日講官以萬曆元年卒贈禮部尚書陶亦自禮侍代之銜位贈謚無不同者以二年卒贈官亦同尋己未狀元丁公亦自禮侍代之

僅一轉而卒贈官亦同三人後皆有謚陶得文僖丁得文恪諸最後得文懿

### 蒲州三孤

蒲州楊公博以少師居吏部王公崇古以少保居兵部張公四維以少傅居內閣分秩三孤皆密戚也可謂盛而奇者

### 全州二相

廣西之全州僻州也將文定冕以成化丁未登第官至少傅太子太傅戶部尚書謹身殿大學士六十二致仕卒贈少師呂文簡調陽以嘉靖庚戌登第官亦



至少傅太子太傅吏部尚書建極殿大學士建極耶  
謹身六十三致仕卒贈太保二公爲時相首輔名位  
權力亦同而文定之自樹立叟矣

### 餘姚二相

餘姚謝文正遷成化乙未及第四十七以少詹學士  
入閣丙寅五十八以少傅太子太傅禮部尚書武英  
殿大學士致仕同邑呂公本嘉靖壬辰進士相去將  
一甲子四十六以祭酒改少詹學士入閣庚申五十  
七以少傅太子太傅禮部尚書武英殿大學士丁憂  
俱爲第三相者十二年謝公八十二終呂公今年八

### 十二尚無恙

文正之初推也凡六人太子太保吏部尚書耿裕居  
首禮部尚書倪岳次之右侍郎兼學士李東陽又次  
之吏部左侍郎周經又次之禮部右侍郎傅瀚又次  
之文正居末與第三人李公同用李長沙人也李本  
初推亦太子太保吏部尚書聞淵居首南京吏部尚  
書張治次之吏部左侍郎學士徐階又次之南京兵  
部尚書韓邦奇又次之禮部侍郎歐陽德又次之李  
公居末與第二人張公同用張亦長沙人也其巧符乃  
爾



寧波二相

寧波舊無大拜者自嘉靖自萬曆二十餘年中而有兩相曰袁文榮公煇余文敏公有丁皆進士第三人而余爲袁所取士則衣鉢也官皆至少傅太子太傅戶部尚書建極殿大學士無一字不同晚途皆甚速而又皆不久壽皆至五十八病亦相類皆好聲酒爲懽樂

三庚戌宗伯非由翰林

求樂以後禮部尚書如鄭賜李至剛趙珩呂震胡濙石琚姚夔鄒幹輩皆不必翰林上周文安洪謨始以

翰林得之遂爲故事矣獨景泰中楊尚書寧以宣德庚戌進士嘉靖初席尚書書以弘治庚戌進士萬曆中徐尚書學謨以嘉靖庚戌進士皆不由翰林而皆庚戌皆以他部侍郎陞大奇

四長史

景泰在邨邸時左長史曰儀銘右長史曰楊翥銘至太子太保兵部尚書掌詹事府卒贈太師謚忠襄而翥先致仕僅加銜禮部尚書而止世宗在興邸左長史曰張景明右長史曰袁宗臯宗臯至禮部尚書文淵殿大學士贈太子太保謚崇襄而景明先卒



僅贈尚書大學士四史榮悴大略相同

### 二陳司馬

天順間陳汝言以附太監吉祥忠國公亨昂南城功  
驟遷至兵部尚書成化間陳鉞以附太監直保國公  
求昂建州功驟遷至兵部尚書俱有寵招納權賂不  
踰年而敗汝言死于獄鉞為編民汝言之寵幸威焰  
無禮甚于鉞其禍亦慘於鉞然其姓同所依附及爵  
位出處亦同

### 二馬都督

天順間馬良者貌溫麗少以幼童侍

青宮既即位

有龍陽之幸襲父職為金吾指揮使累戰功為都指  
揮 南城反正召見之進都督僉事平曹欽進都督  
同知賜繡蟒衣玉帶凡行幸必從賞賚不貲一日  
上出獵南海子早朝罷文武群臣候送午門外見有  
乘馬從中門諸璫夾而出者以為 上也最後

上騎而出蓋前騎者良也良喪婦不數月而娶鼓吹  
違禁中 上知之恚曰奴薄行乃爾耶自是不復召  
至成化初坐與中官王綸有連出廣東從大帥自效  
正德間馬昂者宣府指揮也累戰功至都督僉事摠  
宣府兵有女弟已適畢指揮有娠矣美麗善騎射曉



番語 上聞而召嬖之甚遂進昂右都督一門大小皆賜衣蟒諸大璫皆畏之呼爲馬舅臺諫皆有言不聽一日 上過昂賜第飲酣欲召幸其妾昂不可上怒而起昂懼請鮮任女弟亦踈二人姓氏官爵恩倖見踈俱絕相類然良後協贊南京守備鎮守廣西貴州以功名終而昂奪職死其弟都督吳都指揮杲吳皆得罪

南直隸六相相克

吾南直隸輔臣在林下者少師徐公階李公春芳太子太保嚴公訥萬曆中小師申公時行大拜久之徐公薨已少保許公國大拜未幾李公卒俄而嚴公亦卒吾州王公錫爵復大拜林下遂無一人而三人者皆在閣矣

文武互用之極

王靖遠驥王威寧越皆以進士累官尚書左都御史而一挂平蠻將軍印一挂平胡及靖虜副將軍印蓋不止總督而已也李曹公文忠以左都督而兼掌國子監祭酒王新建守仁以戰功封爵而從祀孔廟楊興濟善以布衣散曹而位左都御史封伯遂兼掌禮部及左軍都督府其事至奇故特標著之



任子官位大於所由

國朝重科目一途任子多不得大位獨燕府左長史朱復以二品後五品終任子濬為北京行部尚書二品禮部左侍郎儀公智三品任子銘至太子太保兵部尚書一品翰林學士呂公原五品任子憲至南京太常寺卿三品少詹事劉文恭公鉉任子榮至太常寺卿掌尚寶司三品浙江按察副使陶公成四品任子魯至廣東右布政使二品南京工部右侍郎黃公孔昭任子縮至禮部尚書兼翰林學士二品江西按察司副使許公達四品任子瑒至錦衣衛指揮使管衛事三品右副都御史孫公燧三品任子堪至都督僉事二品堪任子鈺至都督同知一品上秩皆過於所自一奇也儀銘累任翰林又以尚書掌府黃縮為詹事學士咸極清華之選<sup>奇二</sup>也儀贈官至特進左柱國太師階勛位秩遂冠人臣三奇也陶復轉蔭子孫至錦衣千戶世襲四奇也

兩任子改翰林給事之異

宣德中儀侍郎智子銘以蔭為給事中後改翰林檢討進修撰再進侍讀金殿學幼孜子達以蔭為檢討後改給事中轉左右至兵科都給事中其相反可謂



李山堂別集 卷之十七  
竒矣正德初許侍郎進入兵部子誥以給事中避言  
路改檢討與金達事亦相反

三唐狀元皆戌科

國朝唐姓狀元僅三人其一為侍讀學士唐皐係正  
德甲戌歷丙戌戊戌而至嘉靖庚戌為太常少卿唐  
汝楫又歷壬戌甲戌而至萬曆丙戌為翰林修撰  
唐文獻竒甚

一母孕兩狀元

晉江王懷中言長樂馬某娶妾有子鐸而妻妬不容  
嫁之同邑李氏生子騏初曰馬後鐸中永樂壬辰  
科狀元騏中戊戌狀元

別集卷十七終

弁山堂別集卷十八

吳郡王世貞元美著

皇明竒事述三

已卯壬午之際

文皇靖難師在已卯秋 寧庶人作難亦在已卯秋  
相去正得二甲子 文皇之起以都督三司謝讌伏  
兵僂繫之寧庶人亦然豈偶合耶抑有所借襲也其  
用李士實為太師國公劉養正為軍師却似有取於  
韓公誠意同姓然 高皇之帝業成於鄱陽一戰而  
庶人却敗於其地則大相反矣 文皇以壬午入紹



世廟以先一歲入紹而亦以壬午改元帝王自有真所謂妙合者固不在彼而在此也

兩壬午風水之變

萬曆十年壬午秋七月丙辰朔十三日戊辰至次日巳巳大風雨拔木江海及湖水俱嘯湧吾州常熟崇明嘉定吳江等處漂沒室廬人畜以萬計考之實錄嘉靖元年壬午秋七月乙巳朔二十四日戊辰至次日巳巳大風雨江海嘯湧漂沒室廬人畜亦如之以余所見及野史所載是日俱有龍火之異前壬午禍微輕而遠後壬午禍甚慘而狹要之六十年內所無

也今人知其週一甲子耳不知其干支正同蓋無一日之贏欠也異哉七七

戶口登耗之異

國家戶口登耗有絕不可信者如洪武十四年天下承元之亂殺僂流竄不減隋氏之末而戶尚有一千六十五萬四千三百六十二口五千九百八十七萬三千三百五其後休養生息者二十餘年至三十五年而戶一千六十二萬六千七百七十九口五千六百三十萬一千二十六計戶減二萬七千五百八十三口減三百五十七萬二千二百七十九何也其明年爲永



樂元年則戶一千一百四十一萬五千八百二十九口六千六百五十九萬八千三百三十七夫是時靖難之師連歲不息長淮以北鞠爲草莽而戶驟增至七十八萬九千五十餘口驟增至一千二十九萬七千三百十一又何也明年戶復爲九百六十八萬五千二十口復爲五千九十五萬四百七十比之三十五年戶却減九十四萬一千七百五十九口減五百三十五萬五百五十六又何也九年戶九百五十三萬二千六百九十二口五千一百四十四萬六千八百二十四十年戶一千九十九萬二千四百三十六

口六千五百三十七萬七千六百三十僅一年耳而戶忽增一百四十五萬八千七百四十四口增一千三百九十三萬七百九十六當是安南新入版圖其戶口之數至十年始上冊籍耳然十一年戶復爲九百六十八萬四千九百一十六計減一百三十萬七千五百二十口復爲五千九十五萬二千四十四計減一千四百四十二萬七千三百八十六又大不可曉也自是休養生息者五十年而爲天順七年戶僅九百三十八萬五千一十二口僅五千六百三十七萬二百五十比於舊有耗而無登者何也然不一年



而戶爲九百一十萬七千二百五減二十七萬七千八百七十二口爲六千四十七萬九千三百三十增四百十二萬九千八十其戶口登耗之相反又何也成化中戶不甚懸絕二十二年而口至六千五百四十四萬二千六百八十此盛之極也二十三年而僅五千二十萬七千一百三十四一年之間而減一千五百二十三萬五千五百四十六又何也弘治十七年口至六千一十萬五千八百三十五十八年戶至一千二百九十七萬二千九百七十四此又盛也不二年而爲正德元年戶僅九百一十五萬一千七百

七十二減三百八十二萬一千二百一口僅四千六百八十萬二千五千減一千三百三十萬三千七百八十五又何也自是而劉六等亂中原藍鄆等亂楚蜀江廣無處不被兵而八年以後口却增至六千三百三十餘萬又何也然則有司之造冊與戶科戶部之稽查皆僅見戲耳

烈婦俱妾媵

國家令典於婦人女子能殉夫死者俱有旌異然考之實錄洪武七年九月中書平章政事李思齊卒妾鄭氏自經死十七年正月安陸侯具復卒妾楊氏自



經死俱贈淑人謚貞烈又燕山中護衛指揮使費愚  
卒妾朱氏自經死贈德人謚貞烈德人即恭人也永  
樂二十一年正月成安侯郭亮卒妾韓氏自經死贈  
淑人宣德四年二月中軍左都督馬聚卒妾陳氏自  
經死左軍右都督冀傑卒妾王氏自經死俱贈淑人  
三月陝西都指揮使王俶戰歿妾時氏自經死贈淑  
人謚貞烈八年三月忠義右衛鎮撫李壽卒妾趙氏  
自經死贈宜人八年四月大同左衛指揮使范安卒  
妾楊氏自經死贈恭人九年二月武安侯鄭亨卒妾  
張氏自經死贈淑人正統六年五月中軍都督魚事

胡榮卒妾陳氏自經死贈淑人景泰二年九月昌平  
侯楊洪卒妾葛氏自經死贈淑人三年正月豐城侯  
李賢卒妾余氏自經死贈淑人已上凡十有三而勛  
戚大臣之妻殉死者無一二也豈妾獨厚而妻獨薄  
耶意者有呂后袁紹夫人之妬而出於不得已也又  
自憲宗而後旌典歲有之而未聞有勛戚之家及爲  
妾者又不可曉故特紀於此

師生同賜下謚及改謚

嘉靖六年大學士石瑤卒 上親定謚曰文隱取勤  
學好問違拂不成爲義也至二十九年大學士張治



卒 上復親定謚曰文隱則取勤學好問懷情不盡  
爲義蓋 國朝謚文隱者惟二人皆在內閣不久而  
張公又石公會試所取第一人也以後二公皆改謚  
一文介一文毅

奪情與冊同

成化丙戌少保大學士李公賢丁父憂奪情辭不允  
僅三日冊貴妃萬氏賢妃栢氏會昌侯孫繼宗與公  
同爲正使萬曆丁丑少師大學士張公居正憂奪情  
明年冊 皇后王氏英國公張溶爲正使公爲副使  
其事之巧符若此

衍聖真人同坐事

成化丙戌三月癸卯衍聖公孔洪緒坐姦淫樂婦四  
十餘人勒殺無辜四人法當斬 詔以宣聖故削爵  
爲民以弟弘泰代沒後洪緒子聞韶襲爵四月戊午  
正一嗣教大真人張元吉坐僭用器物擅易制書強  
奪子女先後殺平人四十餘人至有一家三人者法  
當凌遲處死下獄禁錮尋杖一百戍鐵嶺而子玄慶  
得襲元吉竟以母老放歸弘治戊午闕里文廟災真  
人府亦災凡二氏之品秩應朝給賜無不同者至禍  
譴亦同何其異也



大學士尚書掌別部

嘉靖末太子太保兵部尚書楊博不理部事而出總督宣大薊遼工部尚書朱衡不理部事而總理河漕又無作缺刑部尚書鄭曉不理部事而代博理兵部隆慶中內閣少師大學士高拱太子太保大學士趙貞吉俱不輟閣務而掌吏部都察院後拱爲內閣首臣而掌吏部故部見有少傅尚書楊博不令掌而掌兵部亦時事一變也

癸丑壬戌三及第之異

嘉靖壬戌一科首甲三人申時行王錫爵余有丁皆

大拜位師傅已見盛典矣其最不顯而又最不利者無如嘉靖之癸丑其明年第三人溫應祿舉家疫死又明年第一人陳謹被逮謫推官累遷至右中允丁憂歸爲亂卒所毆死後第二人曹大章以編修廢疾罷復用脅受商人財削職爲民二科榮辱之相反如此按洪武丁丑廷試三人尤爲不祥狀元陳郊劉鏐責徙昌化安置取回爲鴻臚寺司賓署丞尋俱殺之惟尹昌隆爲禮部主事永樂初改春坊右中允亦下獄賜死其覆取進士內僅狀元韓克忠至按察僉事餘二人俱終本官



福建大魁無顯者

福建自開科至宣德間最多高第以後寥七矣然少顯貴者狀元則乙丑丁顯丁丑陳郊丙戌林環壬辰馬鐸戊戌李騏庚戌林震辛未柯潛丙戌龔用卿癸丑陳謹凡九人僅柯至少詹事龔至祭酒四品而已陳至右中允餘俱修撰皆夭而郊僅爲司賓署丞以不令終會元則壬辰林誌乙未洪英辛丑陳中庚戌傅夏器己未蔡茂春五人惟洪至右都御史及第者戊辰唐震辛未張顯宗丙戌陳全辛卯黃暘壬辰林誌乙未李貞陳景著丁未謝璉庚戌林文癸丑趙恢

壬辰李仁傑戊辰戴六賓凡十二人僅謝璉至侍郎林文太常少卿仁傑祭酒張顯宗曾爲侍郎終交阯布政而已無論閣部一品俱不可得今己未及第林宗伯士章始破天荒矣

甲榜非正科

國朝科甲以丑辰戌未爲正而洪武開科之歲進士吳伯宗等則辛亥也永樂壬午靖內難明年癸未始鄉試甲申賜進士曾祭等己丑會試中陳璩等

上北征辛卯賜進士蕭時中等天順庚辰試場火秋會試中吳鈇等甲申賜進士彭教等正德庚辰會試



角山堂別集 卷之十一  
中張治等 上南巡明年 新帝登極爲辛巳賜進士楊惟聰等凡五科非正科而兩皆甲申最後辛巳相去亦三年

丙戌巳未無內閣冢宰

國朝諸科第往七有通無內閣冢宰者而三丙戌爲永樂爲成化爲嘉靖又三巳未爲正統爲弘治爲嘉靖凡六科唯丙戌有冢宰屠襄惠瀟一人餘皆無之亦竒事也

吏部尚書首推內閣不得用

弘治乙卯以前內閣大臣皆特簡不從廷推至乙卯始廷推太子太保吏部尚書耿裕爲首正德辛未少保吏部尚書楊一清爲首甲戌一清復爲首嘉靖巳酉太子太保吏部尚書聞淵爲首萬曆甲申吏部尚書楊巍爲首皆不用而用翰林之次及後者

天子義兒

高帝時曹國公曹文忠西平侯沐英大都督同知何文輝都督僉事徐司馬元帥朱文剛朱文遜 武宗時永壽伯裴得安邊伯許泰平虜伯江彬左都督劉暉左都督神周右都督張洪都督僉事李琮其餘又數十人錢寧投刺至自稱曰皇庶子



三殺降之報

高廟初徐中山達常開平遇春破陳友諒兵於池州生擒三千餘人遇春欲悉殺之達不可以聞上上命釋爲兵使者返則遇春以其夕悉殺之矣存者僅三百人上不憚放之歸然竟不以罪遇春也文皇靖難時破李景隆降胡三百騎上命釋留宿衛胡騎指揮星吉一夕盡殺之又於滄州破南師獲卒萬人皆給牒放歸會日暮有未給者三千餘人指揮譚淵悉殺之上維切責淵吉而惜其功亦不罪也然不旬日內淵吉皆戰沒常公雖建開國勲而四十

遷天二子嗣爵皆不終李廣虞詡之恨豈欺我哉

靖難二元功不利大帥

求樂從靖難者僅封二大國如丘淇公福朱成公能皆元功然未常別將大兵也未樂五年成公一受服拜征夷將軍統十二將軍兵八十餘萬征交趾入境以病歿八年淇公一受服拜征虜大將軍統四將軍兵十萬騎征本雅失里入境即敗沒二公之不利大帥如此

五元功皆不利

太祖開國元功文臣太師韓國公李善長以嬖賜死



太宗靖難元功太子太師淇國公丘福北征敗沒削爵全家謫海南景帝禦虜元功兵部尚書于謙讒僂天順復辟元功武臣忠國公石亨下獄論斬文臣大學士徐有貞下獄流金齒世宗入繼元功大學士楊廷和奪官遂無一利者

#### 四橫緹帥皆不終

自錦衣衛典詔獄領刺事官校張權者四人皆不終末樂紀綱爲都指揮僉事凌遲處死族滅家籍天順門達爲都指揮僉事遠戍家籍正德朱寧爲左都督凌遲處死族滅家籍嘉靖陸炳爲太保左都督死

#### 後削奪諸子流徙家籍

#### 二黃中貴

成化中司禮監太監黃賜以與汪直不合出掌南京守備正德中司禮監太監黃偉以與劉瑾不合出掌南京守備二黃皆以司禮大璫出行業老成稍爲人所重然富貴之極南中往匕互稱不能別

#### 四張中貴

正德末御用太監張永總督團營御馬太監張忠佐之司禮太監張銳管監事御馬太監張雄提督東廠四人俱籍寵有聲而權術亦相埒時合四張雄父亦



名銳初不欲迎養以母勸召而庭撻之二十始相哭  
爲父子已積功即日奏爲右都督

又三張中貴

萬曆十一年張宏長司禮監張誠次之掌御用監督  
南海子張鯨又次之兼掌東廠時稱三張宏死誠代  
長司禮鯨次之兼掌東廠張朝復次之亦三張也

振瑾二豎

國朝中官握政本亂天下者無甚於王振劉瑾其事  
權絕相類振在樞筦最久然其橫惡至乙丑丙寅以  
後而極已巳屠裂土木瑾以丙寅流毒庚午劓於燕

市家族皆誅夷籍沒相去甲子同瑾僅後一年耳當  
振瑾之橫英國公張輔及子嗣公懋俱以太師勛臣  
班首日與周旋而免挫辱

張永功名前後相埒

正德寧夏安化江西寧王之亂中貴人張永一則以  
總督專征一則以提督贊畫扈駕皆兵未至而亂  
平事後處置皆屬之永一則善楊文襄一則善王文  
成無損功名歸後一則首誅逆瑾一則與誅逆彬先  
後昭合大奇匕匕

同官相去科第懸絕



楊少保溥與曹學士鼎同相楊建文庚辰曹宣德癸丑相去三十三年陳少保循高少保穀與商兵侍輅同相陳高求樂乙未商正統乙丑相去三十年楊少師一清謝少傅遷與張少保璉同相楊成化壬辰謝成化乙未張乃嘉靖辛巳也楊與張相去四十九年謝與張相去四十六年楊又與桂少保萼同相相去三十九年嚴少師嵩與袁少保熸同相嚴弘治乙丑袁嘉靖戊戌相去三十三年徐少師階與李少傅春芳同相徐嘉靖癸未李丁未相去二十四年胡少傅澐與楊公寧同爲禮部尚書胡庚辰楊庚戌相去亦

三十年胡公庚辰左侍郎姚夔以正統壬戌相去四十二年王太宰直以求樂甲申左侍郎項文曜以正統乙丑相去四十餘年桂少保萼以正德辛未繼謝少傅相去三十六年夏少傅言以正德丁丑繼費少師宏相宏丁未相去三十年

功名遲速懸絕

吉水解大紳縉自翰林待詔不二年而爲左春坊大學士兼翰林院學士其所取同邑劉子欽以解元會魁高第幾五十年而自成所起爲學官終身邢寬爲狀元近三十年始得南院講學而曹文忠鵬爲狀元



十年彭文憲公爲狀元一年商公爲狀元四年即入  
內閣商又三載爲兵侍學士而庚戌及第林文猶爲  
修撰戊戌庶吉士尹鳳岐以侍講剩自萃家山陰胡  
惠爲刑部主事三十年不遷張文忠孚敬桂文襄萼  
俱以主事之次年拜學士又四年至極品遲速之不  
同如此

生產右腹及肋

產不由戶者釋氏以爲世尊及轉輪聖王之瑞而儒  
者以爲必無之事而實未必然成化十八年鳳陽宿  
州民張真妻王氏孕當產臍下右痛不可忍凡三月

而增劇至三月一日亥時腹畔右開裂生一男鼻準  
中有黑痣一巡按御史周蕃上其事於朝而祝京兆  
記之尹文和直瑣綴錄又云二十年徐州一婦初孕  
肋骨下即生一瘤漸長如核大久之皮亦瑩薄兒遂  
從此產有司具聞月給膳米直往來徐州見之此豈  
一事耶然所傳不同而皆有據嘉靖末真定屬城有  
婦人於右肋產一男甚雄偉然六歲死而前二人至  
長不聞有異天地大矣何所不有

中國夷官互居

權貴妃父光祿鄉永均任順妃父鴻臚鄉添年李昭



儀父光祿少卿文呂婕妤父光祿少卿貴真崔美人父鴻臚少卿得罪皆朝鮮人也雖貴至列卿而尚居朝鮮至宣德中永均以計聞賜白金米布又琉球國相程復饒州人也自言相其王四十年七八十乞致仕歸饒州許之命以國相兼左長史賜四品誥夷人以中國官居夷而中國人以夷官居中國亦異事也又宣德中蘇門葛刺國王弟哈刺之漢入朝病卒贈鴻臚少卿賜葬

### 外國人進士

洪武辛亥高麗國人入試者三金濤登三甲第五其

國之延安人也授山東安丘縣丞歸爲其國相景泰五年甲戌進士黎庸交趾清威人阮勤多翼人勤仕至工部左侍郎天順四年庚辰阮文英慈山人何廣扶寧人成化五年己丑王京嘉靖二年癸未陳儒俱交趾人儒仕至右都御史

### 夷女得尚帝王

高帝聘擴廓帖木兒王氏爲秦王妃永樂中權貴妃任順妃李婕妤崔美人皆朝鮮所貢女

### 女官

余嘗於宛委餘編記女官若國初六尚之職舊嘗



金華山堂別集 卷之十八 十五  
取寡婦及幼女之知書者爲之然皆典內職非文銜  
建昌知府師克武定知府商勝東川知府勝古烏撒  
知府實卜皆洪武中士官代 共夫與父者也後不可  
勝紀

椽人妻

水東日記載 宣廟賜御用太監王瑾夫人二人又  
正統中鎮守遼東太監王義死命太監喜寧視其家  
因掩有其貨寶財物田產義妻馬氏奏之 詔以田  
產給其家餘悉入官天順初賜故太監吳誠妻南京  
第宅莊田成化中御馬監左監丞龍閏娶故南和侯

方瑛妾許氏爲妻事發 詔離異仍命司禮監治之

內臣嗣子

太監劉永誠以從子寧晉伯劉聚爲後官左都督特  
封其高曾祖而不及父左司直兼編修李泰考滿上  
疏言臣爲伯父司禮監太監永昌子不得封生父母  
請封祖父母以展孝思從之泰與牛輪登科錄俱注  
伯父司禮太監永昌左監丞玉而俱入翰林泰至詹  
事府詹事兼侍讀學士輪至太常少卿兼侍讀

同姓同謚

文臣姓謚相同者行部侍郎贈少傅馬京禮部右侍



郎兼學士贈尚書馬汝驥同謚文簡少師贈太師張  
孚敬太師贈上柱國張居正同謚文忠少保太學士  
贈太保毛紀太子太傅禮部尚書贈少保毛澄同謚  
文簡翰林院侍讀學士贈學士張益太子太保禮部  
尚書贈太子太傅張昇同謚文僖太子太保大學士  
贈少保張治少師大學士贈太師張四維同謚文毅  
禮部左侍郎兼學士贈尚書劉定之南京兵部尚書  
贈太子太保劉龍同謚文安禮部左侍郎贈尚書王  
瓚吏部右侍郎王道同謚文定太子少保南京吏部  
尚書吳一鵬少保太子太保禮部尚書翰林院學士

吳山同謚文端少傅大學士贈太保劉忠南京禮部  
右侍郎贈尚書劉瑞同謚文肅南京刑部尚書贈太  
子少保方良末戶部尚書贈太子少保方鈍同謚簡  
肅少保太子太傅都察院左都御史贈太傅王越太  
子太保兵部尚書贈少保王以旂同謚襄敏都察院  
右副都御史贈右都御史鄧縉左都御史鄧廷瓚同  
謚襄敏太子少保都察院左都御史李賓太子少保  
吏部尚書贈太子太保李秉南京兵部尚書贈太子  
少保李遂同謚襄敏太子少保工部尚書贈太子太  
保王復南京兵部尚書贈太子少保王學夔同謚莊



簡 武臣姓謚同者平陰伯朱崇撫寧侯朱謙俱謚  
武襄漳國公王聰右都督王効同謚武襄駙馬都尉  
富陽侯李讓太子太保襄城伯李全禮安昌伯錢承  
宗會昌伯錢杲同謚榮僖清平侯贈渠國公吳成恭  
順侯贈邠國公吳克忠同謚壯勇

按二毛文簡一時爲學士爲內閣禮部清德相望  
二王襄敏俱長中臺節制全陝三邊二吳壯勇俱  
以番將賜姓殉節一時尤奇

文武臣姓謚同者南京吏部尚書贈太子太保朱希  
周太師成國公贈定襄王朱希忠同謚恭靖右都御  
史贈少保王璟鎮撫贈右都督王忠俱謚恭靖興府  
長史贈太子少保大學士張景明少師隆平侯贈鄖  
國公張信同謚恭僖太子太保戶部尚書贈少保孫  
交太保會昌侯孫果同謚榮僖

### 爵謚相類

諸王及武臣侯伯之爵有類於謚者今附記之不然  
亦以爲謚也永樂十五年安惠王又肅莊王成化十  
三年襄憲王嘉靖十九年德懿王二十年崇善恭順  
王二十年定安懷簡王四十四年惠安宣懿王載塾  
永樂十五年贈成武伯陳亨謚忠壯宣德五年贈安



順侯薛貴謚忠壯景泰五年贈忠勇侯蔣信謚僖順  
天順六年贈文安侯張輓謚忠僖成化八年贈定襄  
侯郭登謚忠武十年贈靖安侯和勇謚武敏嘉靖十  
四年惠安伯張偉謚靖襄四十三年贈忠誠伯陸炳謚  
武惠萬曆元年贈定襄王朱希忠謚恭靖按定襄文  
安靖安猶地名其他故稱美也惠安以下似四字謚  
若陶仲文之恭誠榮康惠肅伯則似六字謚而和勇  
又以併爵名而爲六字矣

又武定侯郭英謚威襄武安侯鄭亨謚忠毅恭順侯  
吳克忠謚忠勇恭順侯吳瑾謚忠壯武靖侯趙輔謚  
恭肅然易以國封公爵  
此外如忠勤伯汪廣洋李賢忠誠伯茹瑋昭武伯曹  
欽及忠節侯張子明永義侯桑世傑義惠侯劉繼祖  
蓋直以爲號而不別謚也汪茹曹皆削

### 大臣名與謚類

李岐陽文忠謚武靖此外如大都督朱文正伍大司  
馬文定張大司空文憲亦然

### 人主廟號謚號相犯

廟號之相犯者 仁祖之與 仁宗謚與廟號之相  
犯者 睿皇帝之與 睿宗



親王大臣犯廟謚

廟號定而臣下之謚有犯者如 懿祖之後有周王子墮申王祐楷鄭王佑擇代王俊杖德王祐榕與太子之懿文世子之懿莊文臣則呂原楊守陳諸大綬之文懿張鵬之懿簡周瑄張瑩胡拱辰閔珪之莊懿陳俊徐貫林庭梈之康懿 成祖之後有唐王彌錦蜀王讓栩文臣則王守仁之文成 宣宗之後有秦王懷堯文臣則黃福劉大夏之忠宣 憲宗之後有瀋王胤柎淮王厚燾文臣則宋濂費宏之文憲 聖謚定而臣下之謚有犯者如 昭皇帝之後有秦王

秉機蜀王賓瀚韓王旭樾代王克燿肅王縉炯益王載增文臣則江瀾之爲文昭 敬皇帝之後有伊王訐淳唐王宇溫 毅皇帝之後有傅珪羅倫黃孔昭張治之文毅李桂之毅勇劉玉之端毅許進潘鑑王邦瑞彭澤楊博之襄毅王憲之康毅 肅皇帝之後有劉瑞趙貞吉之文肅林俊之貞肅顧佐梁材葛守禮之端肅潘瓚方鈍方良求陳瓚之簡肅 莊皇帝之後有衡王厚燿文臣則馬自強之文莊王學夔之莊簡了不以爲嫌也若 文皇帝之爲文 武皇帝之爲武與郡王妃主之謚之犯者又不可勝紀矣







駙馬黃琛初名寶蹇忠定義初名瑤齊大司馬恭初  
名德胡文穆廣以及第改名靖後復名廣楊文敏榮  
初名子榮劉忠武榮初名江王毅愍文初名強李狀  
元騏初名馬王祭酒恂初名振徐武功有貞初名理  
姚少師廣孝初名道衍沐黔國公斌初名儼王尚書  
繼初名維毛南寧伯勝初名福壽會昌侯孫銘初名  
鎮劉尚書中敷初名中孚胡方伯德盛初名德勝趙  
副都御史載初名君琰羅侍郎玘初名紀方文襄獻  
夫初名獻科張文忠孚敬初名璉汪宗伯鏗初名鏗  
孫徐宗伯學謨初名學詩以字行者吳殿學名祐以

字伯宗行劉學士名昆孫以字三吾行黃太常名湜  
以字子澄行練御史大夫名安以字子寧行李尚書  
名銅以字至剛行楊文貞名寓以字士奇行金文靖  
名善以字幼孜行王賓客名璩以字汝玉行羅侍郎  
名簡以字汝敬行李祭酒名懋以字時勉行王安簡  
名倫以字宗彛行吳徵君夢祥以字與弼行吾鄉文  
待詔名璧以字徵明行

大臣復姓

大臣復姓者曹國公李文忠西平侯沐英平章何文  
輝都督徐司馬初俱 國姓東勝侯汪興祖初張姓



都督僉事謝彥初孫姓右都督甯正初甯姓禮部侍  
中黃觀初許姓左御史大夫景清初耿姓右都御史  
熊槩初胡姓右副都御史陳泰初曹姓太常卿夏昶  
初朱姓工部尚書趙榮初王姓太常少卿陸欽初吳  
姓馬宗勉初周姓南戶部尚書潘蕃初鍾姓副都御  
史丘鼎初周姓尚書孟鳳左布政使孟麟初臧姓右  
都御史鄒昊初馬姓兵部尚書張經初蔡姓禮部左  
侍郎黃宗明初薛姓兵部左侍郎孫檉初葛姓少傅  
大學士呂本初李姓禮部尚書陸樹聲初林姓侍講  
邢一鳳初林姓叅政馬顧澤初顧姓郎中王周紹初  
周姓少師大學士申時行初徐姓至於章恭毅綸魏  
恭簡校則身沒而其子孫始復爲吳爲李也若夷虜  
之賜姓名及正德中賜國姓於異典記之矣茲不復  
贅

懷恩本姓馬劉瑾本姓淡中貴之至賢至惡者也  
陶仲文本姓潘

冒國姓者

大臣而冒國姓者自國初改姓外如左都督朱寧初  
姓錢右都督朱安初亦姓錢平虜伯朱彬初姓江安  
邊伯朱泰初姓許永壽伯朱德初姓裴裴名得一曰皮



得左都督朱暉初姓劉左都督朱周初姓神右都督  
朱洪初姓張都督僉事朱琮初姓李

大姓名非故

諸姓名皆賜者降虜也忠勤伯李賢初名丑驢同安  
侯火真初名火里火真恭順伯吳允誠初名把都帖  
木兒忠勇王金忠初名也先土干順義伯羅秉忠初  
名阿魯哥失里安順侯薛貴初名脫火赤清平侯吳  
成初名買驢忠勇伯蔣信初名把台子嗣伯蔣善初  
名也兒李思恭順侯吳克忠初名也都帖木兒

明縉紳奇姓

古今奇姓余嘗於宛委餘編畧載之而不能詳今於  
凌氏所記拾本朝之可知者更志一二以俟增訂東  
華州人按察副使思忠吏部員外思誠給事中思恭  
御史郊驪郎縣人府同知象閩南海人都御史詔鄴  
漳川人御史某終城固人鴻臚主簿其功戎嘉州人  
知縣府寧波人知州國振叢文登人尚書蘭南昌人  
按察使貞吉弓江浦人御史元同長安人博士恕清  
交趾人邵武令蠡紅陽曲人鄖西丞尚朱通青州人  
州判官仁本鴻樂安人樂昌丞佑忠北流人郎中簡  
隆利津人御史英崇懷遠人都指揮使某彤全錦衣



百戶寅冲香山丞循吏敬佟遼東人吏部郎中玆都  
督登 清水人欽天博士子重從安陸州人知府龍  
繁昌人指揮貞容懷寧人進士若玉香山人孝子師  
嫗松六合人府經歷庸臨桂人通判以弘鄘石樓人  
府照磨瓊冬泗水人訓導青農涑水人知縣猷恭汝  
州人都御史昭邛蘭陽人府同知林重石州人舉人  
省雙陝西人僉事鳳鳴逢丹稜人指揮榮隆阜平人  
都司經歷垣隨山東人按察司使贊隨山西人副使  
府祈山後人千戶璧訾諸城人光祿署丞宜山西人  
進士綬池涿州人進士龍同安人都御史浴德遲臨

胸人兵部左侍郎鳳翔福山人太僕寺丞適夔合肥  
人零都令信司山西人進士迪內黃人太僕丞恩麋  
和順人衛經歷立道儀高密人侍郎智尚書銘危金  
谿人學士素右司郎中止邵武人御史行睦睢寧人  
給事中竑丹徒人進士燁岐解州人 都

御史亨給事中政斯垣曲人通判干鳳陽人指揮泰  
彌給事中堅 袁州人 陝眉懷河人評事旭邳通  
州舉人贊舉人宣丕句容人訓導承文綦慈利人知  
縣冲大治知縣禎移遷安人府照磨善睢龍溪人中  
書叅政稼卑樂城人訓導銘夷靜寧人指揮福之保



昌人教諭輔其昌平人縣丞福鄭州人知縣秉規夏  
邑人教授恂馳仁壽舉人九垓慈仁壽人訓導止元  
河南人按察副使某竒宣寧舉人景中彰歸州人判  
官純熙河南人儀制郎中光宣大足人吏目厚蘄襄  
陽人市舶提舉航毗膚施舉人寵戶膚施人推官聰  
尼益都人教諭養德葵涿州人順慶府同

知王縻上元人訓導煥資來陽人知縣頤思東昌人  
建安丞志道怡耀州人訓導居敬衢江西人建陽丞  
通縻繁峙舉人子實誰南部人府照磨龍匙蒲州人  
判官廣蓬萊都指揮北鑰衣栖霞人衛經歷勉仁飛

城固人戶部郎中瀑廬南城令坦於長樂人英山侯  
顯岷州人都御史敖胥龍陽人布政司叅議必軫蘧  
貴溪人永安令廷臣初潛江人叅政杲茹長沙人忠  
誠伯瑞戶部尚書泰素無錫人百四歲文中疏洧川  
人苑馬監正勤樗和曲人訓導本直閭陝西人布政  
使鉦提學副使潔四川人都御史東渠滕縣人訓科  
仲寧如司賓署丞學禮瓊涇縣人知州新源大浦人  
戶部主事鎮海書爵林人主簿永琇餘博平人吏目  
惟興譽和順人濮州判官哲絮井涇人鄖縣丞樂巫  
合肥人都督同知凱廣德人御史繼咸吾開化人禮



部侍郎紳區南海人叅政越呼綏德人叅政廷信戶  
部主事爲鄉太原人叅將良明涂江西人御史中丞  
節布政使觀須德州人御史瀾武進人僉事用賓及  
長興人知漳州府文通韋韶州人德興 令臯安仁  
人叅政顓母劍州人太僕卿祥蓬州人御史思大理  
評事德純扶安化人宣化令讓狐陽曲人中書舍人  
忠塗高安人主事子源靖安人主事斗鎮進士鏗文  
祥漢州人副都御史澤民無陽曲人淳化縣丞能蕪  
平山人大使恕邾河東人渭南令安莆枝江人零都  
令森湖連州人諒江照磨澄史歸信人海豐丞信孤

濮州人德化丞啟捷爲人松敷溪令季奴高郵人都  
指揮管西金山衛守備寧邾陝西人訓導仲德犀獲  
鹿人主簿希古梨宜黃人訓導公弁稽崑山人涿州  
守照鷄遷安人苑馬監正濟時霓福山人零都令濟  
懷日照人鴻臚序班進忠淮臨汾人通州同知錫絳  
州人太平推官天相槐福清人都指揮寅枚吳縣人  
主事倫孝子應蒺菜四川教諭從善臺泰安訓導謙  
獻開洛陽人刑部尚書濟台當塗人長陽令鼎邵江  
寧人御史清當塗人太常丞博哈光州人教諭左才  
遷安人工部尚書寬哀萬安人推官賢又爲按察使



貞吉初姓回巢縣人知府謙知郇沐陽人進士旃莘  
歸安人進賢令野倫南海人左諭德文叙通叅以諒  
祭酒以訓順德人進士文銀故城人知州嵩太原人  
主事鏡神陝西人涇陽伯英博羅人知縣受因新聞  
縣人教諭度淳合州人成安令忠厚春垣曲人遷安  
丞生物武昌人金溪丞仲和賓蒼梧人廣東提舉繼  
本慶德人永州推官禮人開州人百戶傑縉固始人  
都指揮桓塵莘縣人教諭洪經歷昂霄雲山東人叅  
政冒云東平人三河丞復誠君西平人漳州知府助  
勤曹縣人進士璽薰建寧衛千戶成懃瀏陽人梧州

府同知進斤南海貢士其明忻博羅人教諭恭遜轅  
和順人司儀署丞朴垣陽朔人戶部照磨廣詢零都  
人進士芳敦滁州人保定推官鐸賁定遠人千戶隆  
論同州人長沙經歷中立門秦州人禮部尚書克新  
錦衣都指揮達尊繁峙人太湖丞德恩濰縣人司儀  
署丞光軒河曲人左都御史輓藩保寧人清遠令俊  
官長汀人汝山令謙端當塗人御史宏都御史廷赦  
寬漢陽人進士徹乾涇川人欽天監春官正蘭襄陽  
人應天尹以權達州人叅政興祖寒伏羗人教諭冊  
寧鄉人武陵令鳳翔雷州人武陵令桂芳盤郟陽人



武進丞銘冠日照人安塞丞端歡開封人豐城丞慨  
 完遵化人歸善丞愚興化人指揮國仁奸山後人開  
 平干戶闡權徐州人文華殿大學士謹朝鮮人光祿  
 卿永均泉永城人平山主簿應醴然蔚州人衛經歷  
 昌延大興人戶部侍郎祥韓城人御史茂給事中瑁  
 堅秦州人博平令晟弦枝江人主簿尚強肩太和人  
 貢士固賢平凉人埧大使瑄年懷遠人戶部尚書富  
 鄆豐城人刑部右侍郎懋鄉玄遷安人知縣端芊掖  
 縣人安陽丞震千茂名人宜山典史萬仙河州人合  
 江令名旃趙州人教諭英騫武陽人紹興府同知弘

旋江都人貢士善駢大名人戶部主事恭橋曲沃人  
 縣丞宗義堯安居人太僕丞鄉瀏陽人參議紹招廣寧  
 人融縣令子莘廣東人蘇州府通判孟賢搖南平人  
 句容教諭昌聊南昌令讓超宜黃人衛經歷令華寨  
 鄖西人永春丞貴瓢太和人長陽典史某么湯陰人  
 通州訓導謙定州人無錫丞稍安定人知州騰漢朝  
 曹州人永豐丞泰言巢新昌人御史筠鈔彰德人知  
 府介臯清河人教諭王蒿滕縣人進士賓操浮梁人  
 御史安又御史欽給事中守經糟鳳翔舉人士奇豪  
 穎川人宣都令英戈梁縣人都督預景州人南京刑



部尚書瑄又京師人運使九章知府九疇過山後人  
右都督與平湖人進士璘無錫人進士鶴阿山西人  
進士其麟和川人知縣賢河涇州人襄陽知府源娥  
福清人知縣喬軻簡州衛千戶與那宜賓舉人尚綱  
又舉人正休度磁州人南陽衛指揮五常磁州人佗  
容縣進士盛蒼梧知州超岡公安人已縣令文光沂  
州人崇安丞崇揚慶州人舉人賓東明舉人光休萇  
揚州舉人輝倉遵化人訓導紀相上元人知府迪博  
平人參政樞光陽人吏科都給事中懋長滑縣人指  
揮畧焮永福舉人清將如臯人邯鄲丞翔坊徐州人

休寧丞蒙芒臨川人教授文鎮防寧縣舉人盛征祥  
符人都指揮使義三山人工部員外郎顯營祁州人  
知真州世寶英祁州人知縣繼善鄉昆明人通判壽  
公安人進士文端衡西平人知南安府岳寶應人工  
部主事宇生蓬萊人桐鄉令用和刑東鹿人晉府長  
史哲合水人長汀令惟一經廣西人叅議彥宗星沅  
江人叙州府推官奎靈陽谷人嶧縣令芳零橫州人  
博白令暢寧行唐人訓導全行青大寧人典史文盛  
陳州衛指揮若水陵高郵人涪州同知茂宣化人通  
道令藤吳川人同安丞文澤崩潛山人固始丞愈堅



泰和人伏羗典史可立弘臨川人太平令啟冰繁昌人千戶如鑑天台人郴州守伯傑由杞縣人主事禮門緱西華人曹州判官賢攸安平人御史承秋穎上人按察僉事茂油陵川人諒江守鳳開州人平涼通判恭甌貴溪人興化丞庚錙南詩人績彪攸縣人新寧令堂浮永州人撫州照磨簡句伏羗人都指揮璽琴資縣人葭州守惟和臨石阡人平涼通判見城參平定州人連江令安鐔唐縣人太平守鑑尋按察使适欽吳縣人知府拱極壬遠安人杜寧令士亨華縣人晉守經歷佐郊蔚州人建平丞微三應州人祁門

丞庸道澹朝陽人長陽令某淡廣西人汀州推官璠潛高安人御史溟上上高人湖州府同知儒粘宜黃人東鄉令宣晉江人御史燦占桐伯人縣丞息添沙縣人增城令禮羶定陽人叅議成文僉汝陽人教諭陽咸萊陽人進士懷良汜桂林人教諭勇瑞州千戶金邵武千戶英拱和順人進士北臨桂人叅議迂臣奉蘭陽人知縣科弭唐縣人溧水丞宦底考城人右都御史蘊是江陰人大使祐市井陘人龍虎衛經歷朝喜山後人都督信理固安人教諭劇廣西人龍溪令英水鄞縣人邵武令甦民進士桓吳江人知州



之文如陝縣人米脂令庸道山西人襄陽府通判昂  
侶鄆城人戶部尚書鐘仕昌黎人陽信王簿鳳起達  
州人舉人鏜耳巴縣人醴陵令樞紫陝西人指揮承  
舜啓達州人零都訓導常爾寶坻人青州照磨名斐  
丹稜人御史俊樂安人僉事旻宸解州人御史昭尾  
曹縣人臨城主簿禮古陳州人戶部尚書朴山西人  
大理少鄉鏞今梁山人按察副使之賢堵山陰人叅  
政昇輔崇德人夔州府推官成長清人清平衛指揮  
德虎麟游人鄂嘉令臣五通海人宜城令淮午費州  
人舉人明臣迂高郵人文登丞春忝和人學士鳳

蒲圻人主事瑜土山西人進士進良普漢陽人僉事  
仲賢垣曲人副使暉甫黔陽人弋陽令經六合人永  
豐令轍羽電白舉人關福禹臨洮人仁壽令裡宇涑  
陽人大名通判賓主益都人主事問禮愈曲江人興  
國承德勤褚睢寧人主簿山俎磁州人員外郎琚慶  
都人五臺令有用邸高陽人苑馬監正善又山西人經  
魁第昌黎人杭州通判泉璽湯谷人衛經歷書洗廣  
東人庶吉尚文且觀城人潞州判官簡買河內舉人  
源哈長葛人御史新民其子給事中民安 回夷指  
揮銘隗清江人進士邦衡海廣東人戶部尚書淵電



白人御史澄瓊山人都御史瑞宰保安人四川都指  
揮正采鳳陽人海寧衛指揮鳳翔靄順元宣慰使羣  
泌陽人邯鄲令都揣泌陽舉人本闈武進人上高縣  
丞立道惲武進人副使魏郎中益參議紹芳青神人  
錦衣衛經歷彩宛望江人運使嘉祥苑寶慶人郎中  
圍寒眉州人孝子衡晏宜都人吉安府經歷儀宰廣  
州右衛舉人言命又舉人高遠遂平人刑部員外郎  
志烜青海人長壽主簿霄散襄陽人江陰丞惟聰簡  
白山人知縣昱產瑞昌人主事麟蹇巴縣人少師義  
廣西右布政賢今按察使理典宛平人陵川令英單

定遠人兵部尚書安仁展岐山人御史毓京衛人進  
士敏善大冶人懷慶府同知養鄆六安人臨淮訓導  
福矯山東人蘇州知府順紹廣安舉人賜表番禺人  
教諭貢兆華亭人蓬萊丞元亨曉醴陵人墊江丞枝  
島垣曲舉人璞茆山東人僉事承慶溧陽人大理寺  
卿欽老徐聞舉人兆祥保通州人曲江令睿葆巢縣  
人高淳訓導光先寶廣東人攸縣丞敬早雲川人交  
趾府同知禮道河間人番禺令同浩黃陂人上猶巡  
檢本捨稅課大使敬庫融縣人上杭主簿繼生把陝  
西都指揮宗瓦土官女知府某仰長洲人大理寺丞



瞻無爲人左布政使昇養壽州人護衛指揮雄涼州  
人都指揮賢賞會稽人理問震順德人通判璠莽平  
原人思南通判亨上江夏人左參政志同知府觀陝  
西人進士志朗象臺人都察院司務清井邢臺人給  
事中田駙馬都尉源建德人校書郎一成幸吉安人  
刑部主事寔永富順人進士穎省壽州人萍鄉令凱  
靖太平人撫州通判宣宛平人鴻臚卿洪洗順德人  
工部侍郎光南海都御史桂彥郎中桂竒苟姓本多而以其  
異記靈寶人御史甫蒲州人御史汝安閬中人太僕  
卿穎眉州人僉事延庚紐介休舉人師鈕會稽人德

安知府衍翰林待詔天錫按察副使清僉事緯九井  
陘人德興令焯酉武陵人廣信通判仁有塾江人苑  
馬寺監正終慶偶崑山人教授桓斗茶陵人府同知  
輔後當塗人陝西參議敏后岷州人指揮能守源曲  
人蓬萊主簿育仁酒涇源人神木衛經歷好德丑三  
山人邵武通判慈首巴陵人龍江關提舉謙長沙人  
汀州府推官得仁舊普安人苑馬寺監正惟賢壽蘄  
州人進士儒諸暨人府同知成學咎山東人郎中誠  
三原人御史如思澈吳成舉人仁亮閃永昌人永州  
通判靄穎州人教諭名教授賢陝湖廣人知府茂橄



開州人舉人皞廣宗舉人守道鳳貴州人都督朝印  
江人東鄉令儀庭重濱州人鄱陽令謙甕安肅人懷  
慶知府蕙棟睢州人利津令恭用陝州人遼州吏目  
夏縱蕭縣人日照訓導文冀鹿邑人工部左侍郎凱  
寶應人應天府尹綺東安人清源伯傑智元氏人進  
士審南平令佑義道州人濮州學正森利博羅人府  
同知濟川河津人御史賓秘故城人柳州守心傅示  
臨潼人府同知郁類鰲山衛人訓導康次電白人  
都指揮攄帥安居人御史祥醴陵人國子監丞中臨川  
人知府棧江陵人叅政蘭賁滁州人大名教授智位

安掖人訓導安侍六合人綦江教諭懋意歐寧人獻  
縣訓導季暨崇安人進士文河東人達州守陽貴河  
南人錦衣指揮鐸汝陽知府仁豫蘄水人上饒令銑  
璦玉田人欽天監博士成暮臨城人御史容度蓬州  
人給事中智具曲河人評事珪付大城人按察副使  
吉厲海州人都指揮達溧州人戶科都給事中汝進  
銳南文舉人廷緘世臨潁人刑部尚書家寶稅永壽  
人平涼府同知璿四川人進士新裔宣化人盧溪令  
璜昇湘陰人遂寧令忠閉石屏人知州魯惠安令禎  
稅武康人工部主事禎大臨桂人文昌令溥大永川



人遠安令有柰直隸人戶部左侍郎亨會高昌人雱  
都丞同泰福寧人安遠令行實鈞州人湘潭令穀蓋  
興化知府天麟祭藍水人衡府紀善郎荆壽州人刑  
部主事全南樂人太僕寺丞信介湖廣人德慶知州  
壽解縣人知府一清拜建水人醴陵教諭完賣羅城  
人寧德丞廷傑膠州人宜黃令芳蕡蔚州人汀州巡  
檢端邁慈利人江西右叅議文麟代山後人西安衛  
指揮陞愛融縣人永昌通判莫助能音泗川人崇德  
丞以文南寧人始興令鏗奴切滁州人永豐令隆  
興化人廣東都指揮俊慎歸安人御史蒙印永平人

太和令璽六合人寶慶府同知寶信武邑人遼州判  
官時順江夏人進士境韻清源舉人鰲鎮常山人開  
縣令某舜慶都人欽天博士用禹貞錦州人禮部郎  
中紀咸陽人霍州知州鼎訓柏鄉人袁州府教授濬  
問寶應人貢士智郡大寧人餘干令敬頓直隸人進  
士銳憲荊州人府經歷章漫忻州舉人智寸浪穹人  
梓潼令居敬灌南海人江陵主簿讓貫臨武人橫州  
守元凱漢道州人鹽井提舉邦傑爨雲南人柳州判  
官奐歸州人知州忠武進人筠連令進練長洲人春  
坊司直郎埴御史綱新淦人御史大夫子寧戰祈縣



人揚州知府慎蘄州人南京戶司務符院振武人叅  
政賓線日照人分水令雍山東人甘肅副總兵補袞  
弁長寧人監利訓導志中釗閩中人撫州照磨國雲  
南人貴陽丞佩射衡陽人鹽井衛教授允化蘄州人  
襄府左長史之行赦中年舉人敬亞華陰人平陰丞  
吉夜山東人光祿寺丞珠太原衛指揮景光元臨汾  
人四川左布政使思謙况靖安人蘇州知府鍾高安  
人按察僉事照郎中真叅政叔祺望河南人常州推  
官增遠安人進士子威暢河津人御史亨隴西人按  
察僉事華曠德州人餘干令彥溫醴陵人解元宗舜

鄺宜章人兵部尚書埜任丘人瑞州守鐮翰林侍講  
灝光祿鄉沛旺福州衛千戶斌妙河州衛指揮齡肖  
褒城人解元靖正合肥人大同教授復姓南海人貢  
士秉恭令新昌人御史曦懋內丘人山西叅將國輔  
豆昆明人河南衛千戶長寧就涑縣人西寧衛指揮  
大勳漏山陰人貢士瑜宿夾江人刑部員外進掖縣  
人行太僕鄉應叅又隴西人豹韜衛經歷尚玆考漢  
州人龍南丞秉彛秀石泉人禮部郎中芳茂安化人  
御史彪茂山衛人山東副總兵鍾闔平陽人府經歷  
鳳闕四川人知府繼禹監徐州人兵馬指揮善牧弋



陽人興化推官義紹興進士相木瑞安人國子學錄  
景方錢唐人解元訥沐定遠人西平侯英伏壬部侍  
郎伯安鞠和州人進士祥鞠楚雄人邳州守以信翹  
貴州人長沙通判信竹昌黎人太僕少卿祥服襄垣  
人扶溝令用休睦平南人教諭堅夙松溪人本縣令  
道暹祿武陟舉人存福山後人都督僉事時復扶風  
人典史楊清鹿鄭州人邾鄆令秀太康人長興令顯  
肅歸善人教諭灝濮鳳陽人樂浪公英邵武人都督  
溫其當塗人翰林編修韶速饒州衛千戶斌僕桂林  
人善化訓導淮璞城固人知縣俊獨華州人行人善

赤水衛人岳州守賢續翼城人進士旻東岐山人萬  
載令清安東令贊御史春沃蕭山人溫縣令墅定海  
人御史類逯錢塘人武進教諭宏曲汝陽人曲陽令  
子得玉彰縣人眉州判官思粟長子人戶部尚書恕  
貴陽人工部員外林督全州人歸善丞仲美浴畧陽  
人通判沂篤建水人順義丞自誠嶽鄭州人上杭令  
崇榆次人通渭令思忠朴瀋陽人新安衛指揮淳用  
金鄉人中利巡檢巖漆江寧人叅議汝翼南昌人叅  
議彬邳渭南人膠州判官用義栗濬縣人太常丞景  
初長治人兵部右侍永祿乙河南人吏部主事瑞蜜



筑安撫使定曲陽谷人鳳陽府同知鋪宓慈溪人蘇  
州檢校大麒佛封丘人安慶衛千戶正郊固始人寧  
波知府馴率高昌人平度州判官慶壹興化人府經  
歷震昌一鄧州人贊皇令洪延川人靈壽丞炫七施  
州衛人永春訓導希賢柴宣化舉人文倫汨潯陽人  
彭澤主簿澄劇藁城舉人暹鬱山東人穎川衛知事  
讓乞南京人泌水令賢廣西人吳川令住蔚合肥人  
禮部侍郎綬朝邑人禮部右侍能宣武人太僕少卿  
元康厥井陘人華州守惟明骨歸德人學正恭闕長  
州人禮部郎中成章河南人平涼知府清越合州

人進士堅揭廣昌人兵部左侍稽弘文館學士樞忽  
山西人戶部郎中鳴月巴縣人武昌訓導文憲贛縣  
人江油令輝亭隴西人四川僉事曰山後衛人都督  
僉事福褐北流舉人奎笄相城人沂州守貴湖口人  
給事中東光達西域人御史兼善冊徒人郎中毅任  
縣人提學副使其道脫星子人蕪州知府因遂寧人  
都指揮綱薩閩縣人禮部右侍郎琦禡保章人刑部主  
事明德搭陽人教諭恩滑太倉人弋陽令泉餘姚人  
南昌知府浩西安解元撫頡易州人知縣質捌石屏  
人利東巡檢忠八江寧人禮部主事通撒高郵人進



士祥別大同人醴泉令俊河南人魏縣教諭叢折泗  
洲人中府斷事克恭列固始人長樂丞文邦捏河州  
人平鄉令經節平涼人信豐指揮鐸鐵鄧州人兵部  
尚書鉉永昌人進士篆契溧陽人戶部尚書斯姚州  
人進士惟賢滌山西人鄧州守昇子東昌人分宜令  
金維三原人刑部尚書僉右副都御史昂涇陽人副  
都御史遵藥山東人僉都御史理鄂確山人江陰丞  
隆博雲和人涇縣教諭某洛清源人叅將忠樵平度  
人南平訓導芳籍內黃人茶陵州守貫徽伯延津人  
鴻臚鳴贊希益蒲州人指揮効忠赫大名人御史瀛

連<sup>麥</sup>山人工部尚書志德南海人按察僉事春芳赤曲  
沃人汶上丞從周格石阡人行都司經歷化革四川  
人負外郎從時迓如臯人翰林編修原霖鴻臚序班  
績策賀縣人長沙縣丞敏百贛州千戶恭貊太和人  
內黃令安澤陳州人府同知義亦山東人江西叅將  
孔昭碧涿州人大名訓導潭惕龍溪人瀧水令龍鄜  
興化人光祿卿鏞弋代州人交趾右布政使謙景州  
人南京刑部尚書瑄力臨淄人鄖陽令魁墨高陵人  
兵部右侍麟翼秦州人清河教諭琛直容縣人河源  
令凌霄勒曹縣人主事璽黑山後人總兵都督僉事



春息博興人知縣昭植湖廣人文昌令軒默新和人  
扶風丞思道習新喻人詹事嘉言廬陵人國子司業  
孔教汲五樓人邯鄲丞時學立蘭陽人右布政使述  
及交河人戶部左侍郎宦襲歷城人揚州府訓導勗  
戢簡州人叅議汝止疾清遠人貢敬合大同人鷄澤  
令舉闔隨州人御史勝先納什防人常德衛千戶臺  
接莒州人知縣武帖馬平人龍川令晏法丹徒人保  
定通判愷甲邢臺人鴻臚序班總  
複姓至我朝則益少矣蓋多去繁而從省故也以  
是悉志之 東方栖霞人石屏州守正丹徒人平南

訓導魏公治高密人右僉都御史志公孫鹽城人安  
吉令讓司馬山陰人少詹事恂福建副使聖司徒日  
照人新會訓導綬司空福山人定海令禧諸葛太平  
人陝西叅議伯衡會稽人給事中峴間丘長洲人瑞  
州府推官王呼延四川人叅將迪西門日照人涪川  
丞炳淳于黃州人主事士瑾固始人南京上林苑丞  
重申屠長洲人翰林修撰衡崇德人御史祺崇德聞  
人餘姚人進士恪善晟諤郎中珏副使銓尚寶承德  
行端木句容人尚書以善溧水人翰林待詔孝文侍  
書孝思敬皆完顏鄜州英山令章皇甫遼海人指揮



斌 韋長洲人知府錄僉事浚沔府同知濂歐陽永新  
人御史子韶城武人行省郎中萃叅政恭沔陽人考  
功郎中謙桂陽人泉州知府復太和人僉事哲吏部  
侍郎鐸禮部尚書德僉都御史重工部侍郎塾太僕  
鄉衢俱太和人水丘台州舉人進又舉人曦爾朱富  
平解元欽宇文陝西人鍾叅政臨安人通判溥夏侯  
宜黃人內黃令某上官浦城知府子榮主事德南城  
人評事民望按察副使民詹長孫慶元人鴻臚寺丞  
義 清浪衛人高安令備瑯州府通判賢慕容湘  
陰人龍泉丞傑第五淳化人當塗令寧三水人夔州

府通判德令狐洪洞人郎中一槐濮陽廣德州人進  
士恭寧陽丞瑾戶部照磨鉞上虞丞傳餘杭令傳獨  
孤太和人禮部郎中樂善樂安人潼川州守一敬尉  
遲鞏昌興化府通判淵鉄力句容人鴻臚序班必失



弇山堂別集卷十九

弇山堂別集卷二十

吳郡王世貞元美著

史乘考誤一

國史之失職未有甚于我朝者也故事有不諱始命內閣翰林臣纂脩實錄六科取故奏部院咨陳牘而已其于左右史記言動闕如也是故無所考而不得書國忸袞闕則有所避而不敢書而其甚者當筆之士或有私好惡焉則有所考無所避而不欲書即書故無當也史失求諸野乎然而野史之弊三一曰挾郤而多誣其著人非能稱公平賢者寄雌黃于睚



毗若雙溪雜記瓊綴錄之類是也二曰輕聽而多舛  
其人生長閭閻不復知縣官事謬聞而遂述之若  
枝山野記剪勝野聞之類是也三曰好怪而多誕或  
創爲幽異可愕以媚其人之好不覈而遂書之若客  
坐新聞庚巳編之類是也無已求之家乘銘狀乎此  
諛枯骨謁金言耳雖然國史人恣而善蔽真其叙章  
典述文獻不可廢也野史人臆而善失真其徵是非  
削諱忌不可廢也家史人諛而善溢真其讚宗閥表  
官績不可廢也吾于三者豹管耳有所見不敢不書  
以俟博洽者考焉

夫家乘是而疑譽者吾弗敢擿也野史非而疑毀者  
吾弗敢救也其齟齬而兩有證者吾兩存之其拂而  
覈者吾始從陽秋焉鄙人之途聽而誕者也織人之  
脩却而誣者也則弗敢避矣

自此以下凡十一卷皆考二史誤

國初事蹟乃劉辰撰言 太祖聞劉基章溢葉琛皆

國士也徵聘到京授基溢中丞琛洪都知府按是時

宋濂同聘而基與溢累數任官始至中丞非徑授也

劉辰又紀乙未正月克金華路五月 太祖爲開府

儀同三司江南等處行中書省左丞相不知諸將推



奉耶抑受之宋龍鳳主也史佚之故附于此

辰又紀癸卯三月張士誠圍安豐韓林兒告急

太祖親援之士誠聞而遁去劉福通奉林兒退居于

滁士誠復入安豐丙午三月太祖取林兒安置按

史云癸卯二月張士誠將呂珍破安豐殺劉福通據

其城先是福通等兵勢日蹙以安豐來附至是為珍

所殺三月上帥師破呂珍珍走師還元將竹貞忻

都復乘間入安豐福通死而韓林兒者不知其何所

之也辰所記福通奉林兒退居滁固誤意者林兒得

脫之後尚擁虛器于滁耶既云丙午三月太祖取

林兒安置按枝山野記內載伐張士誠榜文云龍鳳

十二年皇帝聖旨吳王令旨又何也史惟稱劉福通

而不及韓林兒至上即位告上帝文亦止言福

通蓋諱之也

草木子餘錄言高帝謂天下一家尚有三事未了

一少傳國璽一王保保未擒一元太子無音問分四

路出討至漠北大敗死者先後約四十餘萬人按北

征止用十五萬人惟大將達與中山侯和不利旋收

兵回塞曹國公文忠勝負相當而宋公勝等則全勝

其云死者四十餘萬人謬也



高帝事蹟內載李文忠守嚴州取妓韓留宿

太祖怒而誅之召文忠問罪以中宮言得解回鎮儒士趙伯宗來汝章說曰再召不得回矣文忠乃使伯宗等密通使于杭州張四平章通好既得報與郎中侯原善掾史聞遵道謀約降會上以手札召之文忠猝至京上大喜撫之甚切賜良馬金幣文忠歸而尤原善等曰我幾負主上即事泄何以見之乃謀餞張使及伯宗汝章于大浪灘使潑舍醉而縛投于水按文忠至親勛臣豈宜有此縱有之劉豈宜不少諱而紀以上聞蓋是時景隆以嫌疑得罪辰之此

言固上所不厭聽也

枝山野記言洪武中御史與校尉同居官舍重屋御史在上校尉在下欲其互相糾察按此時原不設校尉刺事

剪勝野聞言太祖平偽周見周伯琦伏張士誠後問爲誰對曰前元參政周某帝曰元君寄汝心膂乃資賊以亂耶伯琦惶恐不能答先賜三日大醉以酬其功後殺之按伯琦放歸里久之乃卒

又言司徒李伯昇先以國情輸我師帝以爲佞臣命斬以示士誠野記言亦同按伯昇降後累遷中書



平章政事洪武中乃卒子爲世襲指揮

又言徐太傅追元順帝將及之忽傳令班師常遇春  
不知所出大怒馳歸告 上曰達反矣追兵及順帝  
而已之其謀不可逆也太傅度遇春歸必有變乃留  
兵鎮北平而自引軍歸駐舟江浦伏劍入謁 帝時  
方盛怒宿戒閹吏曰達入慎無縱之達既入未見  
帝自疑有變乃拔劍斬閹吏奪關而出 帝因使人  
釋其罪令內謁達不可 帝不得已往視于舟中達  
因進曰達有異圖不待今日雖云晚矣然吾臨江鞞  
旅亦能撫有江淮顧弗爲耳且吾之不擒元帝亦籌

之孰矣彼雖微也嘗南御中國我執之以歸汝曷治  
焉天命在汝已知之矣顧達何人敢以自外 上乃  
悅按下大都後達與常平章同破山西擴廓至陝而  
分兵達討定西王保保而平章襲應昌平章卒于軍  
以二年八月樞至龍江達以十一月班師入見 上  
撫勞之此言何從起也况太傅之所以功名令終者  
忠順耳拔劍斬關稱名爾汝之說雖病狂喪心者不  
爲之書生妄語可笑

又言代王之母邳人也先是 太祖嘗戰敗而奔投  
代王母家王母曰爾某耶人言尔貴天子也因宿旦



辭去王母曰吾後有姪如何 帝乃貽弊梳爲質及  
上即位子且長矣因携子及質謁 上上命工部草  
設木宇居之不令入宮及代府成遂分封焉故王卒  
得終養其母按王母惠妃郭氏與蜀谷二王同母且  
王以洪武七年生爲天子且八載矣安得有微時戰  
敗之事無稽不可信如此

皇明世系謂 太宗周王爲 高皇后所生而懿文  
秦晉諸妃子非也革除遺事則謂懿文秦晉周王爲  
高皇后生而 太宗爲達妃子亦非也 太宗與懿  
文秦晉周俱嫡出史與玉牒甚明

野記言滁陽王後伏劔而死按以 上爲孫德涯所  
留驚憂成疾而卒後龍鳳主拜嗣子爲元帥張天祐  
與 上爲左右副元帥而天祐在前上不受則王之  
終必不以權奪伏劔明矣

枝山野記言癸卯八月 高皇與陳友諒戰彭蠡小  
卻郭威襄請以火攻勝之後宣武公子興射友諒矢  
貫其顙及睛而死按國史止言友諒中流矢不聞宣  
武射也且當其時友諒死東軍尚未知至死之三日  
而降卒始來告猶未信何以知射自宣武

資治通紀言 太祖初生河上取水澡浴忽有紅羅



浮來遂取衣之鄭氏徵吾錄及故所居名紅羅障及  
高氏鴻猷錄亦因之實錄載瑞兆多矣獨不載此恐  
亦傳聞之誤

又言魯文正貶廣東死葬也文正先拘守鳳陽先墓  
以逃故賜死死時上未及取廣東

六年黜丞相汪廣洋為廣東行省叅政以柔奸怠政  
也後竟賜死按廣洋尋再入為左御史大夫右丞相  
十二年貶今云竟賜死抑何遺略也

胡惟庸謀逆陰約日本國貢使以精兵裝巨舶約是  
日行弒即大掠庫藏泛舟入海事泄伏誅上後却

日本之貢以此今紀殊不詳

又言藍玉征西歸意望進爵時已封涼國公上命  
加太傅王攘袂曰我當為太師何太傅按是時加宋  
國公馮勝穎國公傅友德為太子太師玉與曹國公  
李景隆為太子太傅開國公常昇全寧侯孫恪為太  
子太保然則王等之所加東宮三太非三公也今紀  
不能詳若攘袂之說攷之史則有之

近峰聞略引王文恪公言高帝克陳友諒俘其妻  
孥曰我自起兵以來未嘗納人子女今友諒三犯我  
金陵四犯我太平我甚恨之其妻閻氏可沒入掖庭



未幾生子友諒遺腹也封潭王國于長沙將之國闞氏語之曰爾乃漢王陳友諒子汝父被殺吾爲汝忍死于此他日當爲父復此讐也故事諸王來朝者皆止于宮中潭王來覲入止宮不以禮自檢歸國發兵反高皇遣太傅徐達之子討之潭王堅閉城門抱其幼兒繞城上行取銅牌書其上云寧見闞王不見賊王因擲于城外遂舉火闔宮盡焚携其子投隍墜而死高皇大怒因假妖星亂宮爲辭盡戮宮人皇后脫簪珥待罪僅免餘悉殲除焉自是皇明紀略亦因之按潭王之母達定妃與齊王同胞非闞氏

也王生于洪武二年距陳友諒之亡將十載而云遺腹孝慈之崩在十五年距潭王自焚且七載而云后脫簪珥待罪僅免王之焚以妃家坐罪不自安帝遣使慰諭之召入朝疑懼與妃自焚而云發兵反王文恪以典國史而孟浪乃爾又何怪于皇甫陳氏之傳訛也

紀略言太祖之封十王也親草冊文適李韓公北征唐之淳在軍嘗爲草露布上讀其文嘉之問草者爲誰韓公以之淳對帝令飛騎召之使者不諭械之京之淳以父肅得罪悚慄不自保至京過其姑



門告使者止索其姑見泣曰善爲我斂屍乃行次東  
華門時門已閉守者曰有旨令以布裹從屋上迤入  
纍纍迤易數次至便殿燈燭熒煌 帝坐閱書之淳  
俯首庭下 帝問曰爾草露布耶對曰臣昧死草之  
乃以短几置之淳前列燭命膝坐以封王冊文一篇  
授之曰少爲弘潤之之淳叩頭曰臣萬死不敢當  
帝曰即不敢旁注之之淳承命注上遥望燭影下  
帝微微喜至十篇 上大悅時夜未央命出候朝謁  
歸至姑家猶守門相與慶幸具酒食慰勞及朝  
帝問曰爾世宦否對曰臣父翰林應奉即日命嗣父

官攷之十王冊定于洪武三年四月其六月唐肅始  
爲翰林應奉明年夏例失朝免官又二年以例責佃  
臨濠今以其時爲唐肅得罪後事一大謬也李韓公  
既無北征亦何嘗有露布二大謬也之淳洪武末館  
曹公景隆家至建文二年始以方孝孺等薦拜翰林  
侍讀明年卒原無仕 高廟及爲應奉三大謬也十  
王冊文多宋濂草是時雖唐肅不得與况之淳乎事  
蓋無一實

雙溪雜記洪武八年相府變發覺由是始置三公閣  
內以備顧問而丞相廢革誤也此時無府閣雖有大



學士亦非三公不參機務又丞相廢在十三年

草木子餘錄言洪武十四年誅梁國公藍玉收其黨四萬餘人誅之初征雲南時諸將十餘人陛辭

上與玉論兵呼諸將去三呼而三應玉舉袖一呼諸將盡起上甚惡之所謂三呼不如一麾四萬餘人

之命基于此矣按藍玉之死在洪武二十六年又征雲南玉爲左副將軍傅穎公爲大將是時上雖親餞之于龍江然進止機宜非玉所得專也

近峰聞略言太祖克金華召一星者劉日新推命

答曰將軍當極富極貴又推諸將校則言或爲公或

爲侯高皇怒其不言官職劉請屏去左右曰極富

者富有四海極貴者貴爲天子高皇大喜洪武四

年召至問欲貴乎對曰不願又問欲富乎對曰不願問以所欲曰臣所欲者求一符可以遍遊天下耳

高皇因以手所揮白扇題曰江南一老叟腹內羅星斗許朕作君王果出神仙口賜官官不要賜金金不

受持此一握扇橫行天下走識以御璽劉持此遍遊十二年回家忽對妻子言我當死于非命故歸欲作

別去遊京師妻留之曰既當死死于家耳答曰當死于京師遂至南京都市中推笑但講命而已蓋先被



旨不許與人筭故也都督藍玉平雲南回因請劉言  
將軍將星見梁地當封梁國然七日必有一險我當  
與將軍同死後果封爲梁國公侍朝穿紅袍在西班  
時日當上照映 上目之曰此將軍不獨外邦人畏  
之朕亦膽寒矣有張尚書者同往雲南與玉不睦對  
曰此人陛下之前不妨但恐非少主臣也 上由是  
欲誅之因潛令科道糾之科道問張尚書何以爲罪  
張第言軍還不交軍欲乘此作亂耳玉臨刑時嘆曰  
神乎劉先生之言問爲何人曰劉日新 上聞因逮  
劉至問汝與藍玉筭命對曰曾筭又問汝命盡幾時

曰盡今日因殺之今其家子孫猶在賜扇尚存按藍  
玉以征南左副將軍從潁國公破雲南還又六年大  
破虜封涼國公非梁國公也又三年而以謀反誅非  
自雲南還封涼國公叔以其時誅也張尚書者疑即  
張統雲南平後始爲左叅政至布政使並無與玉同  
朝也推此則劉日新之妄可知矣

庚巳編言于梓人者湖廣武岡州人其父嘗夜夢梓  
潼神遂能雕塑神像極于工緻梓人生七八歲眉目  
如畫資性聰警其州將愛之因其父藝以梓人名之  
及長有雋才且多異術舉洪武乙丑進士歷知登州



府有訢其家人傷于虎者梓人命卒持牒入山捕虎  
卒泣不肯行梓人笞之更命他兩卒曰第焚此牒山  
中虎自來兩卒不得已入山焚其牒火方息而虎隨  
至弭耳帖尾隨行入城觀之如堵虎至庭下伏不動  
梓人厲聲叱責杖之百而舍之虎復循古道而去尋  
為部民告訢以為妖術惑眾有 詔逮梓人下刑部  
治之數月瘦死獄中棄其屍家人發喪成服一夜忽  
聞扣門聲問為誰答曰身是梓人家人驚曰鬼也曰  
吾實以間逃去云死者詐也勿疑家人不信謂鬼衣  
無縫驗之乃不然遂內之梓人不自悔匿日與故舊

遊宴或泛舟不用篙楫逆水而上以為樂里人劉氏  
其怨家也執而繫之白知州伍芳請奏聞芳不許劉  
遂詣闕告之朝命法官來州推案未至一日忽失梓  
人所在但存鉄索而已劉無以自明竟坐欺罔得重  
譴而梓人自是不復見云梓人自號七十一峰道人  
詞翰道逸可觀吳用藏其自制遊太山歌一紙予嘗  
見之按乙丑進士登科錄無于梓人且 高廟之世  
不應異人疊出如此而實錄亦不載恐未可信

雙溪雜記言宋景濂洪武二年除學士十年致仕五  
品終身是時官制學士承旨正三品學士從三品侍



講讀學士正四品景濂爲承旨致仕銜稱嘉議大夫  
卒後官制方改此言謬也

鄭端簡于宋國公勝穎國公友德俱云暴卒例凡暴  
卒者俱賜自裁者也于曹國公李文忠獨書卒而曹  
公卹典至優厚其神道碑爲董倫撰云十六年冬十  
有二月王有疾明年春疾轉亟 東宮臨視明日

上親幸其第撫悼良乂翌日而薨偶見一野史云文  
忠多招納士人門下 上聞而弗善也一日勸

上內臣太多宜少裁省 上大怒謂若欲弱吾羽翼  
何意此必其門客教之因盡殺其客文忠驚悸得疾

暴卒 上發悲怒殺諸醫及文忠侍者百人余以爲  
不根之論及攷嗣公景隆誥具言歷代貴戚之家保  
富貴者鮮以其理道無知威儀不度由是束手而傾  
者有之不自重而覆者有之其丁寧告戒幾三百言  
而末云前朕姊子李文忠朕命居群將之列功至公  
位嗚呼非智非謙幾累社稷身不免而自終又云今  
命爾從外孫景隆襲封曹國公爾其戒前人之失戒  
慎之毋汎言毋徇勢與魏國公徐允恭申國公鄧鎮  
誥絕異然此誥在洪武十九年而十七年曹公贈王  
之誥又云四夷來庭厥功居多小心勤慎始終如一



其于甥舅之親君臣之義能兼之矣豈以親故有所諱耶抑既封之後始有所聞耶切責及殺門客疑有之史蓋曲爲諱也

野史又言 太祖初見周伯琦參政問曰先生年若干曰七十五矣因贈詩先生七十五何不六十九白骨塋青山萬古名不朽按三朝野史載淮西閻夏貴歸元授中書左丞又四載乃卒人弔之曰享年八十三何不七十九嗚呼夏相公萬代名不朽不應相同至此

都公譚纂言優人某 太祖令人投之江陰戒勿令

死某濡衣而出 帝問之若何乃歸乎曰臣下見屈原其言有理是以復歸問何言曰我逢暗主投江死汝遇明君莫下來按群居解頤載散樂高崔嵬善昇癡齊文宣帝令給事捺頭向水下良久問之曰見屈原云我逢楚懷王方投汨羅水汝遇聖明君胡爲亦來此然則此亦附會前人之語也

野記謂 太祖召楊維禎將用之維禎八十餘矣作老客婦譏以見志或勸 上殺之 上曰老蠻子止欲成其名耳不僂而遣之一時頗高其事諸學士俱有詩詹同文作傳皆假借之所謂非義之義也予嘗



有論暴其罪按維禎預脩元史史成當授官以老辭  
歸卒年七十六非八十餘也維禎祖父非宋臣是時  
元有天下矣仕可也既食元祿不仕可也何罪之可  
暴希哲誤矣

客坐新聞言 高皇帝下建業伏劔見金碧峰峰不  
爲起 帝曰若知有殺人不眨眼將軍乎峰曰若亦  
知有不怕死和尚乎因問取吳楚策後閱廬山志曹  
翰屠江州以兵入崇勝寺僧緣德坐不起翰怒曰而  
知有殺人不眨眼將軍乎對曰若知有不怕死和尚  
乎翰大敬異之然則剪勝所傳即此事也

草木子謂 上有佳句云鳥啼紅樹裏人在翠微中  
天下誦之又 皇太子新月詩云昨夜嚴陵失釣鉤  
何人移上碧雲頭雖然未得團圓相也有清光照九  
州野史附之謂爲 太祖及懿文不享國之證草木  
子乃元遺民 國初所著書謂 上者順帝也 皇  
太子者愛猷識理達臘也蓋以其不獲有天下而在  
東宮頗擅權故記之耳 高帝集無此二句

十三年永嘉侯朱亮祖卒實錄以爲鎮廣東所爲多  
不法番禺知縣道同上言數十事皆實 上以亮祖  
功臣不下吏但罷職令居江寧縣之安陸鄉未幾以



病卒其子暹亦以智勇稱數從征伐累功爲府軍衛指揮使先卒功臣錄及吾學編亦因之然攷上御製壙志云胡惟庸不法使鎮嶺南作爲擅專貪取尤重歸責不服已非一時朕怒而鞭之不期父子俱亡就葬已責之地所謂其子者暹耶抑次子耶亮祖死于杖明矣史蓋諱言之也

高廟紀汪廣洋傳言廣洋貶居海南舟次太平復遣使勅責云云廣洋得所賜書益慚懼遂自縊卒按

高廟御製文集勅諭怠政坐視廢興丞相汪廣洋云昔命助文正于江西雖不能匡其惡自當明其不善

何其幽深隱匿以致禍生前與楊憲同署于中書憲奸惡萬狀爾匿而不言觀爾之爲也君之利乃視之君之禍亦視之無忠于朕無利于民如此肆侮法所難容差人追斬其首以示柔奸爾本實非愚士特賜勅以刑之爾自舒心而量已以歸于冥冥故諭今勅辭若此而史與吾學編乃謂上切責之廣洋惶恐自縊以死何也

震澤紀聞謂宋公景濂既以孫慎坐法累徙蜀之茂州遇一僧問曰濂何以至此僧曰公豈嘗有愧心乎景濂曰無之僧曰先生于勝國嘗爲官乎曰翰林國



史編脩僧默然公至夜乃自縊而歿王忠文小傳  
及鄭楷行狀俱云至正乙丑用大臣薦拜翰林國史  
編脩自布衣入史館爲儒者之特選先生以親老不  
敢遠違固辭會世亂益韜秘乃入小龍門山著書屬  
文又言景濂足跡未嘗踰鄉里則景濂實未受官至  
京師也若劉文成伯溫則舉元進士爲萬安丞江西  
行省掾史江浙儒學副提舉行省考試官兩爲元帥  
都事行樞密經歷行省卽中處州總管府判前後九  
政矣今縉紳之論不攷本末輒以議宋公而于劉公  
不之及人固有幸有不幸哉

洪武二十七年十一月晦瀕國公傅友德卒十二月  
定遠侯王弼卒二十八年二月宋國公馮勝卒八月  
信國公湯和卒信公封王謚葬備極恩禮所未聞者  
襲封耳若瀕宋二公之卒在藍梁公之後一應恩典  
俱從削奪以鄭端簡吾學編暴卒例之其爲賜死無  
疑但實錄爲宋公立傳僞言其功至所謂爲大將馭  
衆無紀律其征納哈出裨將有盜胡馬者勝斬之以  
徇然亦自掠胡馬至使闔者行酒于納哈出妻求大  
珠異寶又胡王死才二日強娶其女失夷狄降附心  
上以此深責之然是十八年事耳以後數佩印巡邊



加太子太師恐未可據以爲罪狀也至潁公尤不可  
曉自洪武元年以後北征及平蜀平滇功冠諸將不  
聞有纖毫罪狀見疑以死而史不于卒時立傳却于  
封公下及之與藍梁公同例永樂中又不爲置後豈  
藩邸時有宿歎耶至湯信公雖號宿將爲列侯首而  
毘陵之欠忠鑄之誥券瞿塘之退縮載在詔勅至恩  
禮優崇有羣公所不敢望者蓋首倡解兵退休之請  
深中 上心而晚年風疾不能言動又有以安 上  
意耳定遠亦不立傳女爲楚昭王妃以昭王行寶致  
之蓋亦賜死家至籍也 高帝末年大將有功名者

誅僂幾盡而秦晉二邸亦先薨逝無非授 文皇爲  
祛除之地耳史之曲諱甚多不可枚舉

洪武三年馮宋公勝爲征虜右副將軍引兵擅還京  
師爲 上所切責按馮勝初名國勝以平吳功進大  
都督府右都督兼右詹事至北征復稱都督同知馮  
宗異宗異其更名也意者初改樞密院爲大都督府  
其左右都督俱從一品後進一品而同知爲從一品  
宋公因從品改官耶將有別故鑄秩耶二十八年卒  
見 國史甚明定遠黃金爲作傳云悉據金陵馮氏  
家乘內言三十二年十月十日卒 朝廷哀悼遣祭



勅有司治喪以閏十二月五日附葬子男九皆先卒  
恐誤

國初事蹟載廖永忠僭用龍鳳章服不法事處以死  
刑辰蓋其時人當不誣而攷之 國史洪武八年德

慶侯廖永忠卒爲之立傳且載其功頗詳又云上賻  
遺之甚厚以其子權襲爵而功臣錄吾學編皆因之  
則辰說誣矣初但疑洪武三年以前功甚大當封公  
爵以所善儒生窺意而止三年以後下西川之績見  
于 御製讚所謂與傅成雙而迨其沒也乃不獲一  
爵一謚同于吳良顧時輩何也及攷洪武十年特赦

江夏侯周德興罪召將相大臣戒之內云廖永忠數  
犯罪屢宥不悛又復僭侈失人臣禮甚矣永樂十五  
年都察院劾奏錦衣衛指揮紀綱獄辭內云德慶侯  
廖永忠爲開國功臣以僭分犯法而被誅乃知永忠  
實以誅死者蓋 高帝一時之忿不暇寬處既刑而  
後悔之且念其功故加賻葬且使其子襲封脩史者  
緣而爲之掩諱耳廖馮二人尚于卒下立傳而傳類  
公王定遠僅于封爵下立傳則二公之禍當尤慘也  
高帝御製集有諭罪人曾秉正謂其性資聰敏且  
能幹辦在職時凡有言計朕嘗聽從何期計出多端



乃有效古殺身之姦豈不愚哉朕尚憐才能免死免  
竄使還鄉里爾鬻四歲小女聲曰爲資以歸是其心  
之正也乎所以昔人有云君子絕交不出惡聲忠臣  
去國不潔其名爾何如也今爾既不能爲人之父實  
難雄于世故闡之不致生人陷人是其罰也攷之于  
史秉正由刑部主事遷陝西叅政未行時設通政司  
特留爲使官亦尊矣所謂言聽計從將事寄不淺矣  
其既闡之後不知用入內職否將因此而殞否史惟  
于歲後記別用一通政使而于秉正罷斥之由一不  
之及豈脫畧耶將有所諱也

損齋備忘錄舉乙未夏六月從 高皇帝渡江者凡  
十人曰徐達馮國用弟勝邵榮湯和常遇春鄧愈耿  
君用子炳文廖永安弟永忠文臣二人李善長毛廣  
又曰從渡江而歸附者一人曰俞通海甥一人曰李  
文忠子一人曰沐英逮至洪武三年大封功臣則增  
多矣殊不知三年所封唐勝宗陸仲亨周德興費聚  
陳德王志郭子興顧時陳德華雲龍鄭遇春吳良吳  
禎華高皆自濠梁起從渡江者也廖永安及俞通海  
兄弟同自巢湖歸附而分爲二既載廖俞而遺胡大  
海耿再成趙德勝丁德興又以郭子興子爲郭興王



志爲王志原又遺薛顯汪興祖損齋者梅純也駙馬  
都尉殷之後何孟浪乃爾

所華高者自蔡果味味亦數云本也其未及命嚴武

別新王志原于其時對其外華

多與叔不味三

文忠子一人曰

人曰

百

昇山堂別集卷二十





